



СПОРТ

Россе хьалхале кьайсача яхьашка, пхи майдилг яьккхар Долакха-Юртарча кикбоксёраша

16

Газет арадувл 1923-ча шера майтсела бетта 1-ча дийнахьа денз



1973-ча шера «Сердало» газета «Сийлен хьарак» яха ордененнай

№24 (12701)
Кимарса
буттг,
3 ди, 2025 шу



2025
ГОД ЗАЩИТНИКА
ОТЕЧЕСТВА

80-летие
Победы в Великой
Отечественной войне
1941-1945 годов

СЕРДАЛО

WWW.SERDALO.RU

ГІАЛГІАЙ МЕХКА КЪАМАН ЮКЪАРА ГАЗЕТ



КЪОНАЧАР БОЛАМ

ГІалгІай мехка гуллам дІабихьар, «Хьалхарчар болама» балха хетабаь

4



ЗУПАМА ДУХЪАЛА

Наркоманеца кьовсам лоаттабу Ди белгалдир Юкьарча палато

6



ДЕНАЛ

Илдарха-ГІалан дешархошца, денала урок дІайихьар

9



ЛОАМЕ

Мишта салоI вай мехкахоша ахкан замалахьа?..

10



БЕРИЙ АХКА

Ерригача Россе яхьашка эггара толашагІа хилар Магасера Кьонача эскара цІа

13

@gserdalo

vk.com/gserdalo

Дзен сердало

www.serdalo.ru



Кердача толамашка

Р - 217 «Кавказ» яхача боккхача новкъа машинаш йолаелар

3



ДоттагІала НОВКЪА

ГІалгІайчен Кулгалхочун кхетаче хилар, вай мехкарча Катара викалца

2

Мехкада: Даъхе езаш шоаш хилар гѳулакхашца хьагойтад ветеранаша

Аьххенаькъан Марем

Тѳема моттигий доакъаш-хой Ди дездеш ба берригача мехка, цу гѳулакха тѳатайжа бахархошка къамаьл дир вай мехкадас Келаматанаькъан Махьмуд-Іаьлас.

«Тѳема моттигий ветерана-ша тахан шоай декхараш, тѳема аренашара доттагѳал, бувзам дагабохаш; халонех чакхбул-лаш, Даьхен моттиг лораеча наькъ тѳа бирсача деношта ду-хьаллатташ шоаш текхар дага-лоаца ди да», - белгалдир Мех-кадас. Къаман яхь лораеш, Даь-хен моттиг эша ца йолийташ лаьттача наха карагѳдаьннар вай массане йоакхо е езаш да. Мехкадас белгалдир, Даь-хен сийдолча кьонгий цѳераш вай массахана лархѳа езил-га, цар хьабена никь бовзаш хила дезилга. Къаьстта док-кха баркал кхайкадир цо, тахан мехка хѳама лорадеш, кьонача блухашта нийсагѳдар хьалхад-ахаш латтарна.

«Даьхен бизза кьонгаш шоаш болга гѳулакхашца хьа-гойтад ветеранаша. Ураот-таш латтача тѳехьенна масал да уж, вай массахана лархѳа безаш бола эздий кьонгаш ба», - тѳатехар мехкадас; ветерана-ш иразе, могаш, маьрша, аьттон-ца, беркатаца шоай вахара никь дѳахохь даькъалабуьцаш.

Магаса мэра, дагалоаттама денца, даькъалабийцар тѳема ветерана-ш

Йовлой Ясмина

Магас мэра декхараш кхоачашдеш волча Тий-марзанаькъан Мусас даькъалабийцар тѳема ветерана-ш дагалоаттама денца, цо баркал аьлар мохк лорабара цар даькъа юкьедена хиларах, яхаш, дийцар «Сердало» газе-тага шахьара мэре.

Ше кхайкарал деш, цо белгалдир, ветераний гѳулакх Даьхенна дезаш, денал долаш, халонашта ду-хьальотталуш хила везаш долга.

«Магас шахьара берри-гача бахархой цѳерагѳа, сай-гара аз даькъаладуьц шо, цу лоархѳамеча денца. Хало-нашта духьальовтта дезаш ба шун болх, вай юкьара кхерамзле Іалашьяь хур-гѳолаш, цьхоагѳо йолаш вай дѳахьалхадахара», - аьлар мэра.

Цо иштта ветеранашта ловца баькхар машар, мо-гашал, паргѳато хилар ловш, царна карагѳдаьнначунна массаза лакхара мах отта-бергба.



Гѳалгѳайчен Кулгалхочун кхетаче хилар, вай мехкарча Катар-а викалца

Аьххенаькъан Марем

Москве кхетаче хилар Гѳалгѳайчен кулгалхо-чун Келаматанаькъан Махьмуд-Іаьлий, Ката-ра викал волаш Росс-е болх беча, Сий долча Ахмед бин Хассан Аль Хаммадеца.

Мехкадас дийцар Ка-тарерча викалца шин оагѳорахьара гѳулакхаш дегѳадоаладара дола хатта-раш, цо терко тѳаяхийтар керттерча оагѳонашта: эконо-миканна, юртбоахама, ту-ризма, культуранна. Респу-бликан кулгалхочо белгал-дир Гѳалгѳайче йоккхий та-ронаш хилар, Катарерча ба-хархошта уж йовзаш хургьа хѳанз кхы а дукхагѳа, аьнна.

«Боккхача безамца аз Сийдолаш вар вийхар лаьрххѳа Гѳалгѳайче - цунна гойтар духьа вай мехкара



хозал, хьаьша тѳаэца вайна ховш хилар дѳагойта, вай къам дѳадовзийта, иштта инвестицей таронаш гойта», - аьлар республикан Кулгал-

хочо.

Цун пресс-службе ма ал-лара, из вайцига ва лаьрхѳа ва укх гуйрийна. Кела-матанаькъан Махьмуд-

Іаьлас ше тешаш ва аьлар Гѳалгѳайченна, Катар-а юкье-ра бувзамаш дика а, шоайла пайдане а хургда, аьнна.

Гѳалгѳайченна 200 млн сом лургда, кагирхой политика дегѳайоалае

Аьххенаькъан Марем

«Кагирхошта бола мохк» яхача Еригроссийски яхье котбаьннарашта юкье я Гѳалгѳайче. Яхь дѳахьош я «Кагирхой, бераш» яхача къаман проектах.

Гѳалгѳайчен Комитето гойта проект лакха мах от-табаь хьаллаьцар Росмоло-дежа кхелахоша. Совгѳата мехка 198 млн сом лургда, из дѳахьожадергда Гѳалгѳайчен кагирхой политика кердача боарам тѳа яккхара.

Иштта Наьсаре, Жѳайрахьа, Шолже лаьрхѳад ийъ керда кагирхой центр хьаелла. Из паргѳато лаьрхѳа я хьинар долча кагирхошта, цар таро хургьа деша, шоай проекташ кхоачашье, шоай-

ла дагабала. Из доацаш а, ре-гионе хьалхара дѳайолаеш я «АГРО-болам» яха проекташ, юкье юкь йоаллача, юхе йо-ацача фермаца; иштта «6 сотка тѳа бизнес» яха кур-саш, цар таро лургьа болх боацаш цѳагѳа багѳарашта хьаде хѳама хилийтара, къаь-стта юрта бахача кагирхош-та.

Мехка кулгалхочо Келама-танаькъан Махьмуд-Іаьлас белгалдир, из таро, ца хадаш, цу тѳехьа болх дѳахьош хила-рах я, вай кагирхой хьашташ кхоачашдара даькъ тѳа.

«Со тешаш ва, из програм-ма бахьан долаш, вайна до-взаргда дукха кьоначар начѳал, цар Гѳалгѳайчен сий доаккхаргда шоай толамаш-ца», - аьлар Келаматанаькъан Махьмуд-Іаьлас.





Р - 217 «Кавказ» яхача боккхача новкъа машинаш йолаелар

Курскенакъсан ИбрахИм

Накъый хьал тоадеча оагIонца дикка толам баъккхаб вай. Р-217 «Кавказ» яхача федеральни наькъа 568 километрага кхоачача доазон тIа машинаш йолалуш кхетаче хилар. Мехкарча наькъий хьал аттачхьа доаккхаш хургда из лоархIаме гIулакх.

«Республикерча бахархоша дукха сатийса, хьийжа ди да из никъ хьабеллар. Наькъаш паргIатаргIа хилийтарал совгIа, кхерамзлен

оагIонцара хьал меттаоттадеш хургда из», - белгалдир вай мехкадас Келаматанаькъан Махьмуд-Иаьлас. Вайцигарча проектни тоабаша шоай болх лакхача боараме дIахьош, федеральни оагIоно гIо деш, чакхдаьккхад из доккха гIулакх.

Наькъий хьал тоадарах йолча къаман проектага гIолла дIабихьаб болх. Цу проектага гIолла, хIирий доазон тIа дIатIаоттачара Юволавенна Эбарга-Юрта Ючуотталца, шербе лерхI 26 километр бола никъ, шин оасах биъ оаса хьабеш. Цу



гIулакхо наькъашкара хатараш дикка лаьгIдергда, Дала аьннадале.

Цул совгIа, проектага гIолла Магасерча, Наьсарерча, Илдарха-ГIалий тIарча наькъашка хувцаш дергда, керда тIий тулларгда Шолжа-Шахьаре, иштта гIашлошта лела моттигаш къоастаеш, автобусашта останковаш хьалъеш, гIашлой наькъаш дехкаш, лампаш йогIаш, иштта кхы-

дараш юкъелоацаш къахьегалерхI.

2026-гIа шу чакхдала гаргарлертача хана йистебаьнна хила безаш ба из боккха болх. Цу беркатеча проектага гIолла, мехкарча наькъий хьал дикка тоаде; экономикан, туризма гIулакх айде аьттув ба тахан. Керда никъ хьабеллар тахан хьалхара, лаьрхIачунга кхачара чIоаргIа лоархIаме гIа ба.

Мехкада: Кагирхоша дIадоладаь хIама хьаллацар лоархIаме да

Аькхенаькъсан Марем

Кагирхой Денца даькъалаювцаш, къонача тIехьенга къамаьл дир вай Мехкадас.

Республикан кулгалхо-чо белгалдир, лакха начIал дола кагирхой тахан тайп-тайпарча кхетаченашка, спорта доакъошка, Илман олимпиадашка, кхоллама яхьашка дакъа лоацаш, толамаш доахаш хьабоагIилга.

«Беркатеча хIаман оагIонаш хьаллоацаш, царна дIабаха ловш хиларо Россех мехкашта юкъера бувзам, барт чIоагIбу, республикан хIама тоаду», - белгалдир Мехкадас. Цо иштта теркалдир, царна дагадеха дика, беркате хIама хьаллоацаш хилар лоархIаме долга, тахан мехка, Россех кхьйолча миИнгашка санна, кагирхой политически, экономически, Илман, спорта, культуран оагIонашка дакъа лаца йиш хургйолаш, мел эшар Iалашделга, керда наькъаш хьаделлаш болх лоаттабелга.

«ЧIоагIа лоархIаме да шо иштта толамаш доахаш, дика хIама доаржадара тIехьа хьинаре къахьегаш дIадаха ловш хилар. Шоай къахьегамга, толамашка гIолла вай хьамсара ГIалгIайче дIайовзийтаргья оаш», - аьлар Мехкадас кагий нах, мехкарий аьттонца, гIозаленца дIахо къахьегаш даькъала бувцаш.

Кагирхой Ди дездеш, хилар мохк

Гаьгенаькъсан Мартина

Кагирхой Ди дездеш, йоккха кхетаче дIайихьар вай мехка. Из хоам «Сердалога» бир цу моттигера. Мужеча уллача спорта кийчо еча моттиге хилар кагирхой цIай. Цу юкъе дар Магасера Мужеча кхаччалца велосипедаш хахкар, пхьарий гойтам, «Кагирхой маркет» яха гойтам, Эка-ЧIожарча кхуркхолга хьажа бахар, тIема ловзарех йола яхь (лазертаг).

Мехкадас Келаматанаькъан Махьмуд-Иаьлас белгалдир, вIаший бовза, бувзам чIоагIбе, цхьаццэ пайданедараш дIа-хьаэца гулбеннилга. «Цхьац-

ца хIаман тIехьа къахьегаш, дешаш, тайп-тайпарча оагIонашкара кхоллама болх дIахьош тоаду сагаший вахар. Беркате наькъаш хьаделлаш дIадаха деза вай, мотт биц ца болийташ, къаман Iадаташ, оамалаш лоархIаш, Дала воашта хьаденна дин довзаш, Iомадеш», - белгалдир вай Мехкадас.

Республикан кулгалхо-чо доккха баркал аьлар культуран гIулакхех йолча Министерствон хьалха латтача Лаьнанаькъан Залийна, кагирхой гIулакхех йолча Комитета кулгалдеча Малсаганаькъан Адама, иштта цIай дIахьош къахьийгарашта.



ЖІайрахъа чудилла керда хий 50 шера латтаргда

Коазой Мадина

Хий лертІача боараме
хъацадарак, чІоагІа хало
озар лоаман юрташкарча
наха. Из бахъан долаш, 4
км кхоачаш керда хий чу-
дилла лаьрхІар цига.

ЖІайрахъарча админи-
страце белгалдечох, кердача
турбай низ лакхагІа ба, цунга
хъежжа 50 шера лертІа болх
діахъош хургъа уж.

Мамилганакъан цІерах
болча урамгара ОлгатІе-
Іарамхи яхача гонна
ІотІаотталца чудиллад керда
хий. Бетона гІозараш отта-
деш, цІерцарча кхерамзлен
хъал лорадеш йола кІаллаш
чІоагІеш, хІаранахъа ший
боагІаш бола гІирс оттабеш,
болх чакхбаькхар цига.

ЧІоагІа дог айденна бар
юртара бахарой, хицара кхоа-
чамбоацараш тіехъашка диса.

Наьсарерча Іам тІа діатІадоала уйнаш тохаргда, сердал Іалашъергъа - діаболабаьб боккха болх

Йовлой Ясмина

Наьсарен Іам хувцалуш
боагІа: шахъара кул-
галхочо Оздой Русла-
на тіадиллача декхарах
діаболабир аргІанара
юкъара доазув тоадара
болх. Проект кхоачашъ-
еш я Наьсарен админи-
страци Ерригроссийски
яхъе котъаьнна хиларах,
зІамагІа йола шахъараш,
исторически нах баха
мортигаш тоае дикагІа
йола проект оттаяьй,
яхаш, дийцар «Сердало»
газетага шахъара мэре.

Таханарча денга кхоа-
чаш итт хи тіа вала йиш йола
уйнаш тохара, иштта хин
шиъ бетона гІирс бара болх
діаболабаьб. Діадоахаргда
сердал луш дола тиша
бІоагІий, цу моти́ге хург-
да таханарча заман дохаде
таро йоаца керда сердалон
бІоагІий.

«Кимарса бетта лаьрхІад
керда чона карт е, шахъа-
ра культуран цІен хъал-
хашка дикагІа йола Іоакъа
Іоюлларгъа, къаьнаръяр хъал
а яккха. Цо моти́г хозъер-
гъа», - аьлар хоамо.

Цул совгІа, Іама юхе ма-
шинаш лоаттае йиш хургІо-
лаш моти́г кийчъеш я, хІанз
дехар даьд хи тіа хургбола
кхуркхолг хъабе.

Шахъара доазув керда-
дакхаро Іам хозагІа хилий-
тарал совгІа, шахъара ба-
хархошта аьттув болашагІа
а бергба.



ГІалгІай мехка гуллам діабихъар, «Хьалхарчар болама» балха хетабаь

Аькхенаькъан Марем

ГІалгІайчен кулгалхочо Ке-
ламатанаькъан Махьмуд-
Іаьлас дакъа лоацаш, Мех-
кара ХІама нийса леладара
Кхела вІашагІххетар хилар
«Хьалхарчар боламца» цхъа-
на бувзам лелабара хетаяь.

Кхетаче діахъош Мехка-
дас белгалдир. Даьхен лор-
бой Шу долаш, Сийлахъ-йок-

кхача Коталон 80 шу дизарца,
из болам дика накъабаьннаб
берашта, кагирхошта Даьхе
езара тіехъа кхетам бала. Цо
белгалдир, цхъан шера органи-
заце болх шербе таро хиннай,
цунна юкъейоагІаш я 9 моти́г-
гера, 219 юххъанцара доакъош,
хІаьта цун доакъашхой 12 эза-
рал дукхагІа ба - 37 эзар сагага
кхаччалца ба уж.

Республикан Кулгалхочо
иштта белгалдир ГІалгІайчен

викалаша Москве діахъош
хиннача «Хьалхарчар болам»
яхача федеральни фестивале
дика дакъа лаьца хилар, цига
хьинар дараша дика гойтар ре-
спубликан юхь.

«Иштта дале а, дикагІа
пайда эцара, ерригача респу-
блике гІюлла чІоагІбе беа
«Хьалхарчар болама» болх,
цар хІара доал дара даькъ тіа
леабеш бола бувзам», - аьлар
цо.

Цунца дувзаденна Кела-
матанаькъан Махьмуд-Іаьлас
декхар тіади́ллар шахъарий,
кхалений кулгалхошта; лоац-
цача хана Болама хьинарер-
чарца моти́гашкара балха
хъал тахкар.

«Цхъана вай хьакхолларгъа
вай кагийча наха лаьрхІа йола
йоккхий таронаш, хьамсарча
ГІалгІайчен хургдолчун цар
шоай дакъа юкъедар!» - аьлар
республикан Кулгалхочо.

«Турпала никъ» яхача программан Юкъарлен Кхела кхетаче діайихъар мехка

Аькхенаькъан Марем

Даьхе лораеш лаьттарашта
юкъера толашагІбараш ре-
спубликерча моти́гашка
балха оттабара тіехъа йолча
«Турпала никъ» яхача
программан Юкъарлен
Кхела кхетаче діайихъар
мехка. Россе Президента
чІоагІонца, «Турпалій Ха»
яхача федеральни проекта-
га гІюлла доаржадеш дола
из гІулакх, тахан лакха
лоархІам болаш долга бел-
галдир вай мехкадас.



«Тіема операце доакъаш-
хой - ГІалгІайчен кхоанарча
вахара толашагІа бола оагІув
ба», - аьлар кхетачен кулгал
деш хиннача Келаматанаь-
къан Махьмуд-Іаьлас. Про-
грамман юкъе дакъа лаца
дехар чуденнача 174 СВО до-
акъашхочоа юкъера хъахер-
жараш 40 саг ва.

РАНХиГС говзанчаш-
ца къамаьл хулаш, доал
дара моти́гашка уж тов-
ргбий хъожаш, иштта кхы-

дола оагІонаш юкъелоацаш,
чІоагІа терко еш діабихъаб
хоржама болх. Паччахьалк-
хен моти́гашка доал дарах
йолча Лакхарча ишко-
ла РАНХиГС лаьрхІа отта-
ьяча программага гІюлла
кийчо еш хургба доакъаш-
хой. Царга хъеж лекцеш, ве-
бинареш, проектни балхаш,
паччахьалкхен моти́гашка
болх Іомабар, иштта кхыда-
раш а.



Наькъашкарча балхашта тIахьожаш ба юкъярлен оагIонцара болхлой

Коазой Мадина

«Кавказ-ГIажарий-Юрт-Оалкам-ТIаргам-Чми» яхача моттигашкара 7,58 км кхоачаш бола никъ тоабеш дIабихьача балхага хьожаш хилар цу оагIонца тIахьожам бераш.

«Сердалога» наькый гIулакхех йолча министерствос беча хоамах, дIабихьача балхаца цхаккха кхоачамбоацараш хоадаланзар. Карарча хана наький оагIонаш тоадеш, шаьрдеш, наькъашка басарашца белгалонаш еш, гIармаш оттае кийчлуш ба болхлой.

Вахара моттигаш тоаярах йолча кьаман проектага гIолла дIахьош ба из лоархIаме болх, 42 км кхоачаш наькъаш меттадоаладе лерхI мехка цунга гIолла.



СКФО гIолла СВО ветераний Ассоциацие балха юкъяе дакъа лаьцар вай мехко

Гаьгенаькъан Мартина

Укх деношка Селий мехка хиннача СКФО СВО ветераний Ассоциацие кхетаче дакъа лоацаш хилар вай мехкара хьинардараш. Из хоам «Сердалога» бир цига бахараша.

«Даьхен лорбой шерца хоттабенна болх ба из. Кхаь дийнахьа Махачкале хиннача кхетачено дукха лоархIамедараш

чулаьцар. СКФО а Москва а 120 доакъашхоcho доашхар, ялх беттал совгIа бувзае боацаш болча, 90 ди даьлча суде яьча чоагIонга гIолла дийна боацаш ба аьнна соцам баьча СВО доакъашхой дош. Iаьдалпара хьадоагIаш долча ахчанцара гIулакх чакхдаккхара тIехьа эшаш да из.

Генетически оагIонцара хIама гулдеш чакхбаккха безаш лоархIаме болх ба из»,

- йоах тхога бенача хоамо. Иштта цига гойтар «СВО къахьегам» яха, ветеранашта болх бе моттигаш луш йола проект. Дукха пайданедараш дайзар доакъашхошта «Юрта къахьегаш хилар: оагIув хьаллацарца дувзаденнараш» яхача сессега гIолла. Селий мехкара Минсельхоз, Минтруд яр цига дакъа лоацаш. АПК оагIонцара болх бе моттигаш йовзийташ, цхьацца говзалех дийцар до-

акъашхоша...

Тема доакъашхошта гIо дар чулоацаш, президентски, страховой, моттигерча хIара беттарча берий ахчаш дийцар цига.

Кхетаче чакхйоалаш, вай мехкарча, нохчий, хIирий, черсий, гIаьбартой-балкхарой, селий мехкашкарча Ассоциацие оагIоний кулгалхошта «СВО дакъа лацарах» яха майдилгаш елар.

«Турпала никъ» яхача программан доакъашхой харжар чакхдаьлар

Аькхенаькъан Марем

СВО доакъашхой республикерча паччахьалкхен моттигашка болх бе хоржаш йолча «Турпала никъ» яхача программа болх чакхбаьлар.

Мехкадаь зарбан болх лелабараша белгалдечох, программан юкъяе дакъа лаца дехар чуденнараш 174 саг вар, царна юкъяера 50 саг кхаь бIалах чакхваьннава: дIаязваларах, хаттарашта жоп даларах, дагаваларах.

Юкъярча оагIонцарча балхах йолча кхело 9 саг хьакъоаставаьв цу юкъяера, «Му-

жече» яхача спорта ишколе дешар чакхдоаккхаш хургба уж. Кхы а 32 саг ва цу оагIонца теркалваьраш.

Вай Мехкадас Келаматанаькъан Махьмуд-Iаьлас белгалдир, программан доакъашхой мехкарча доал дара моттигашка лоархIаме дакъа дIалоацаш хургболга. «ДIахо, мехка хьал тоадара наькъашка къахьегаш, цу оагIонцарча балха юкъяе белгалбоалаш хургба уж», - аьлар мехка Кулгалхоcho.

Белгалде деза, цу программага гIолла тайп-тайпарча моттигашка доалде, лоархIаме болх дIабахьа,



мехка боккха пайда беш, наькъабоалаш дIахо къахьеге, таханарча вахаре йизза моттиг дIалаца уж Iомабергболга. Де-

шара программан юкъяе я лекцеш, Iомабалар, РАНХиГС Лакхерча ишколе вIашагIаехка онлайн-кхетаченаш.

Инаркъяерча №23 йолча ишкола тIабода никъ биллар

Йовлой Ясмينا

160 метрага кхоачаш, никъ биллар Инаркъяерча бахархой дехарах. №23 йолча ишкола тIабодача кердача наькъо дикка аттачахьа доаккхаргда юртахой хьал, иштта кхерамзлен хьал лорадара тIехьа лоархIаме ба из никъ. «Сердалога» из хоам бир шахьара мэре.

Эггара хьалха гIашлой никъ билла лаьрхIа дIаболабир болх, бакъда керттера никъ шера цахила-рах, деррига доазув чулоацаш никъ Iобилла лаьрхIар.

Бахархоша дукха дехар даь, «Муниципальни сахьат» яхача эфире гIолла шоай дехар юха кердадаьккха, кхоачашбаь болх ба из. Бахархошта, цу наькъ тIагIолла ишколе дIааха дезача берашта доккха совгIат да из никъ.

Илдарха-ГIалий тIара СВО бIухой диспансеризацех чакхбоалаш ба

Гаьгенаькъан Мартина

ЛаьрххIаца тема операце бIухой ба лорашка чакхбоалаш. Илдарха-ГIалан поликлиника духьашха йолаеннай тема ветеранашта, цар дезалашта диспан-

серизаци е, яхаш, дийцар «Сердало» газетага «Даьхен лорбой» ганза юкъярлонца бувзам лелабеча Джанхотанаькъан Мадинас.

«Хьалхарча дийнахьа массех лор хилар, бIухошка хьо-

жаш. Программа чудоагIаш дар невролог, уролог, травматолог, психолог, окулист, отоларинголог, кхыбола лораш хьажар. Нагахьа санна могашал йоацаш моттиг нийс-лойя, уж тIехьара тIа чакхбала дIахьежабу кхычахьа», -

аьлар хоамо.

Поликлиника заведующе Умаева Мадинас новкъостал а деш, фонда теркамца бараш хьежаш латта ца безаш бокъо йолаш ба федеральни программах лорашка чакхбала.

Наркотикашца базар лелаярах дегабуам беш, полице болхлой дІалийцар Наьсаре

Курскенаькъан ИбрахІм

Наркотикашца базар лелаярах дегабуам беш, Россе МВД Магасерча шин болхлочоа духьала гІулакх хьадийллад Іаьдало. Из хоам «Сердалога» бир мехкарча Тохкама оагІон болхлоша.

ДІабихьача тохкамах, уж ши саг бехке ву РФ УК 3-ча даькъа «а» яхача п. 228.1 статьях (хьалххе тоабанца вІаший барт баь наркотикаш йохкар).

Іаьдала болхлоша белгалдечох, 2025-ча шерарча ахкан хьалхарча бетта 3-ча дийнахьа, хьалххе дийца вІашагІделла, Наьсарерча Фабрични оалача урам тІа мехкарча яхархочунга наркотикаш яха дохьаж дехкад цар.

Іаьдало сиха дІабихьача балхах, цаІ карарча хана лаьца воалл. Цун гІулакх дІахо дувцаш латт тохкама болхлоша. Цу бІехача базарца дувзаденна-раш гучадоахаш, из гІулакх ма дарра тохкаш да Іаьдал.

Мехкарча Тохкама оагІон кулгалхоша, шоаш тІахьожам беш, дІахьош ба из болх. Россе моттигерча МВД цу оагІонцарча болхлоша гулдаьчун тІагІолла хьадийллад гІулакх. Чухьарча гІулакхий болхлоша даь моллагІа зулам боагІача боараме бехктотхаме озаш хургдолга хьагойт цу моттиго.

«Наркотикашка «ак» ала!» яха болам дІаболабир Магасе

Гаьгенаькъан Мартина

Наркотикаш яхача доккхача зулама духьалара болам хьаллаьцар Магасе кагирхой гІулакхех йолча комитето Кагирхой цхьанкхетара цІен доакъашхошца. Из хоам «Сердалога» бир цу гІулакха хьалхалаттача Эденаькъан Муслима.

«Хьинар дола кагирхой тахан студенташта, дешархочта юькьера цу бІехача хІаман никь хоадабе гІерт, хІана аьлча цу дохьажача базар лелаяраша юькьехувлараш кьаьстта цу мугІарера кагирхой ба. Наркотикех лаьца мел дола лоархІамедараш тІадола кьаьхаташ дІадекь берашта. Наркотикаша сага вахар мел чІоагІа толхаду дувцаш лекцеш дІаххухь цар кьонача тІехьенца», - дийцар тха газетата.

«Из хІама хьаллоацаш бола хІара гІа; беркатеча, хозача кхоаненга баьккха гІа ба! Из гІулакх хьаллаца мел эттарашта баркал оал оаха!» - белгалдир кагирхой гІулакхех йолча комитете.



Наркоманеца кьовсам лоаттабу Ди белгалдир Юкьарча палато

Гаьгенаькъан Мартина

Наркомани яхача доккхача зулама духьала кьовсам лоаттабеча Денна хетаяь кхетаче дІайихьар республикерча Юкьарча палато. Из хоам «Сердалога» бир ОП доакъашхо йолча Беканаькъан Хадижас.

Тайп-тайпарча говзалех

йолча профессионални колледжа студенташца хиннача кьамаьла юкье, теркаме лаьцар цу оагІонцара керттердараш. Юкьарча палатанна хьалха латтача Іамарханаькъан Лейлас кагирхошта хьалхадаьккхар, наркомани яхача доккхача зуламо тахан наьха вахар мел халчаоттаду, цунна духьала кьовсам лоаттабар хІара сага

декхар долга.

Республикерча СПИДа, кхыдолча инфекционни лаярашта духьала болх лоаттабеча моттига керттера лор йолча Бекмарзанаькъан Луизас кьонача тІехьенга дийцар, наркомани яхача зуламо шийна тІехьа ютача ларах, бІехача хІаманца ший вахар толхадаьча сага тІехьагІа наха хьалхашка тешаме саг

хинна дІаотта мел хала да.

Кхетаче белгалдир, наркоманена духьала хІара цІагІа, дешара моттигашка, болх беча моттигашка кьовсам лоаттабе безилга. Кхетаче вІашагІьеллараша теркалдир, иштта дІахьоча балхо кагирхошта юкье пайда белга, дикача, беркатеча хІаман уж тІахьехилга.



Магасе дийцар терроризма духьаларча кхерамзленах

Йовлой Ясмина

Магас-Шахьара администратце Терроризма духьаларча комиссе кхетаче хилар, шахьара кулгалхочун декхараш кхоачашдеш волча Тиймарзанаькъан Мусас кулгал деш, яхаш

дийцар шахьара мэре.

Кхетаче дІахьош техкар цхьоагІо, кхерамзле лораяра хаттараш. МВД отдела кулгалхочо Чаненаькъан Руслана дийцар кхыча мехкара хьабаьхкача нахаца дІахьоча миграционни даькъ тІарча

балхах. АТК секретара Ільясанаькъан Мухьамада доклад йийшар, терроризма духьала беча балхах дувцаш.

Прокуратуро белгалдир шоллагІча ах шера кхоачашде деза керттера декхараш, цу юкье лораяш йолча моттигашкара болх цхьоагІо

йолаш хила безилга а хьоахадеш.

Тиймарзанаькъан Мусас белгалдир, кхерамзле - юкьара гІулакх долга, из дика вІашагІделла хиларах тийша да Магаса бахархой паргІата вахар.



ГалгІайчен туризма Комитет айхха бувзам лелабеш я ДОМ.РФ корпорацеца

Гаьгенаькъан Мартина

ГалгІай Республикан туризма комитето айхха бувзам лелабу паччахьалкхен ДОМ.РФ корпорацеца. Укх деношка паччахьалкхен организацией шин викала кхетаче хилар, яхаш, дийцар «Сердало» газетага комитета болхлочо Хамхой Тамерлана.

«Керттера дийца дош дар мохк дегІабоалабар, цу юкье туристически даькъ тІа. Иштта дийцар Магаса-Шолжа доазонаш вІашагІкхеташ хилара хьал, кадастрови учёт яр, иштта юрташ доазон учёте оттаяр. Таханарча денга кхоачаш, корпораце говзанчаша тохкаш я Магаса-Шолжен доазоний говзанча-план.

Из керттера хила еза доазонаш дегІадоаладара, цу юкье таханарча заман туристически гІишлош хьаляр а долаш.

«Хоадм боллаш бокьоний доазоний лард чІоагІяр лоархІае гІа ба; мехка туристически, инвестицей таронаш хьалеллара боаккхаш бар», - аьлар туризма Комитета кулгалхочо Цхьорой Мухьмада.

ГалгІайчен ГАС болхлой бахар, Астрахане Іилман кхетаче дІахьоча

Гаьгенаькъан Мартина

ГалгІай Республикан архивни гІулакха болхлой бахар Кьулбехьен, Кьилбаседа Кавказа федеральни курай архивий Іилман-методически советий кхетачене, яхаш, дийцар газета корреспондентага цигарча зарбан болх лелабераша.

Аьтинга бетта 23-ча денгара 27-ча денга кхаччалца, Астрахане кхетаче дІахьош хилар, каьхаташ леладара гІулакха йолча Еригроссийски Іилматохкама института Федеральни архивни агентствон викалаш. Вай республикера цига бар Паччахьалкхен архивни гІулакха кулгалхой Ховтанакъан Руслан, «ГалгІайчен Госархива» Паччахьалкхен

Іаьдала урхаллен кулгалхо Тоачанакъан Ібрахім.

Цига керттера дийцар дар паччахьалкхен, доал дара даькъ тІара Россе Вахара ганза балха доакьош шоайла бувзам болаш хилар. ГІулбеннараша техкар бокьоний, технологей, коммуникацей оагІоний архива болх, иштта таьрахьий таронаш юкьеюалаяр цу даькъ тІа.

Тхоца кьамаьл даьчо яхачох,

Федеральни архивни гІулакхо хьалхадаккхарах, хьатІадоагІача шера хІара шера дІахьош йола съезд хургьа ГалгІайче. Цу тайпара хьалнийсделар мехка кулгалхочо Келаматанакъан Махьмуд Іаьлас из могадарах, цунна дика таронаш хьаххолларах архивни балха даькъ тІа, из гІалгІай дІадахачун а культуран а тІехьале ма хиллара.

ГалгІайчен Тохкама комитета болхлошта лаьрххІа йола цІераш еннай

Йовлой Ясмينا

Хьем боаццаш кхетаче дІахьош, мехка СК Тохкама урхаллен кулгалхочо Асхабов Мухьмада Ахьмада даькъалабийцар лаьрххІа цІераш енна хиларца болхлой, цо царна дІаелар погонаш, яхаш, дийцар «Сердало» газетага тохкамхоша.

Юстице полковника цІилелар тохкама урхаллен лаьрххІаца гІулакхий хьалхарча отдела викала Хоаной Ідриса Мухьмада. Юстице подполковникаш хилар, материально-технически Іалашон отдела кулгалхочох Йовлой Салангире Ісраилах, иштта нах тІаэцара, каьхаташцара болх лелабара йолча отдела инспекторех Бештой Азайх, Гайсананакъан Лилиях.

Кулгалхочо белгалдир, полковника, подполковника

цІераш ялар - из боккха бектокхам хилар, дика масал а да шоай балха новкьосташ-

та. Мухьмада Ахьмада даькъалабийцар керда цІераш еннараш, уж могаш а, дІахо

шоай профессе даькъ тІа лакха толамаш доахаш а хилар ловш.



Шолже хьежар 12-зза административни бокьонаш телхаярга

Гаьгенаькъан Мартина

ШоллагІа квартале Шолжа-Шахьара административни комисси хьежар 12 моттиге бокьонаш толхьяь хиларга, из бахьан долаш нахагара гІод тохарах доаллаш хинна ахча а хьадаьккхар, яхаш дувц «Сердало» газетага Шолжерча мзре.

«Юкьера хьаййчаца административни бюджет хьаллийзар 133 эзар сома. Под тохарал совгІа,комиссе доакьашхой цхьан вахархочунга каьхат язде дезаш хилар, цу даькъе-ра цхьацца хІама хьалхадоаккхаш. Бокьонаш телхаеш дола хьал дувзаденна да, бокьо йоацача моттиге кьайлагІа реклама лелаярца, иштта нувхаш дІаяхьара даькъца», - аьлар хоамо.

Белгалду, хьалха «Сердало» газето яздаьдар, ах шера 12 хьалхадаккхар хиларах, хІаьта ахчанца дистача, цу нахагара хьадаьккхар 643 эзар сом да.

ГалгІай мехка хургъя, Илман-методически Кхела кхетаче

Гаьгенаькъан Мартина

ХьатІадоагІача шера ГалгІай Республике дІахьоргъя Илман-методически, Къилбаседа Кавказа, Къулбехьен федеральни курашта чуйоагІача моттигий кхела кхетаче, яхаш, хоам бу «Сердало» газетага ГалгІай Республикан Паччахьалкхен архивий ГІулакх леладераша.

«Кхела белгало - «Вахара овла» ГалгІай викалашка кхаьчар массехк ди хьалха Астрахане гуллам болаш. Цу белгалолу хьагойт цъхоагІо, бувзам, вай мехка моттигашта юкье хадаргбоаца бувзам хилар», - аьлар хоам.

ГалгІайчен ГАС болхлой тешаш ба, цу тайпара кхетаче вІашагІолларо хьагойт архива ГІулакх мишта латт, истори лорадара хьал дегІадоаладара ГалгІайче малагІа дакъа лоацаш я. Ювцача кхетачен новкъосталца, вай хьожаргда ГАС бувзам чІоагІбе кхыча мттигашца.

Белгалду, Магасе дІаболабеннаб проект вІашагІолларца дувзадenna хаттараш кхоачашде, из кхоачашьеш я ГалгІай Республикан Паччахьалкхено хьал а лоацаш.

Вай мехка 9, 11 классаш яьхачарна аттестаташ дІаделар

Гаьгенаькъан Мартина

Аттестаташ хьаэцаш лоархІаме кхетаче хилар, ГІажарий-Юртарча №3 йолча ишколе. Цига гулбелар берий дай-ноаной, хьехархой, юртарча депутаташ. Из хоам «Сердалога» бир «ЦаІ йола Росси» яхача парте доакъашхоша.

«Кердача наькъ тІа ГІа боаккхаш вола 35 саг вар ийс класс яккхарах дола аттестаташ хьаийцараш. Иштта цу ишколара укх шера араваьлар 11 класс яккха 14 саг. Къаьстта йоккха терко йир тІехдика дешаш чакхьаннача 9-ча классерча 3 йиІига, дошо майдилг йоаккхаш дешар чакхдаьккхачунна, иштта дото майдилгаш еннача кхьяннена», - дийцар тха газетага.

«Таханарча аттестаташа хьагойт шоай дешара никъ оаш дика дІабиьхалга, цар хьабелл шоана хьалхашка керда никъ. Вахаре шоашта накъадаргдола, пайда хургбола ГІулакх хержа, дІахотІехдика къахьега аьттув, низ хилба шун!» - аьлар къонача тІехьенга къамаьл деш «ЦаІ йола Росси» яхача парте моттигерча кхела хьалхалаттача ГІулой Анжелас.



ОТР дийцар, ГалгІайчен ишкол яьккхарий сайрений чулоацамах

Йовлой Ясмина

Россе Юкъарлон телевидене корреспондент (ОТР) хилар ГалгІайче «Выпускнойш-2025. БІаьхийчар цІай оалача кепара» яха

программа дІаязье вена. Сюжет хетаяь я республике ишкола выпускной сайре дІаяхьара йола белгалонаш гойтара, яхаш, хоам бу «Сердало» газетага мехка дешара Министер-

ствон зарбан болх лелабераша.

Дувчачунна чудоагІаш да моттигера Іадаташ, культуран белгалонаш. Магас шяхьара №1 йолча лиця кул-

галхочо ГІазданаькъан Адас дийцар Кавказа лезгинка оалача халхара лерхІамах, цо дегаргІозале, цъхоагІо гойташ хиларах, из лоархІаме моттиг дІалоацаш да программе ишкол яккхара цІай.



Наха низ барах, дийцар Берда-Юртарча дешархошта

Гаьгенаькъан Мартина

Наха низ тІалоаттабарах долча зуламах дийцар берашта. Берда-Юртарча культуран цІагІа. ДІахьа къамаьл деш, тахан къувлаш дола хаттараш доашхаш дІадихьар из

вІашагІакхетар. «Сердалога» из хоам бир Шолжа кхален администраце.

«Берашка дийцар из зулам мел чІоагІа наьха вахар толхадеш, сага сакхетам тувлабеш да. Машар лорабара, массахана беркатечча хІаман

тІехьа къахьегаш, хоза, сийрда вахар кхоллара тІахьийхар бераш боккхийчар», - дийцар тха газетага.

«Таханара ха, дагадоацача хана хувцалуш, чоалхане я, цудухьа массахана дикача хІаман тІакхувш, зуламедар юхатохаш, воча, тувлбеннача

нахага ла ца дувгІаш, бартаца волаш дІаваха веза хІара саг. ХІара денна гу вайна, кхувш латтараша хьалхьедеш дола къамаш къестада-ра ГІулакхаш, из во хьадда дІадаккхара тІехьа къахьегаш хила деза вай!» - белгалдир культуран цІагІа.

Илдарха-Галан дешархошца, денала урок длайихъар

Гаьгенаькъан Марина

Илдарха-Галий тIарча «Седкъилг» яхача ишко-ла даькъ тIарча лагере укх деношка денала урок елар. Из болх вIашагIбеллараш бар ЛаьрххIаца тIема операце доакъашхой, яхаш, дийцар «Сердало» газетага «Даьхен лорбой» ганзо.

«Хиннача росгвардейцаца, Илдарха-Галан №7 йолча ишкола дешархочунца Темарханаькъан Рамзанаца къамаьл деш, дайзар вай мехкахоша лаьрххIа йола операци дIахьоча малагIча хьалашка тIом бу, цар денал, майрал хилар. БIухоша дийцар Даьхе езарах, бейнарий сий деш, царна карагIдаьнна докхий гIулакхаш диц ца деш, дIадахарий оагIонаш дага-лоаттаеш хила везарах. Из бIаргадайна болча бIухошца



хинна къамаьл чIоагIа дегчу дужаш дар берашта», - аьлар хоамо.

ТIема мугIарашка денал, майрал гойташ болча СВО доакъашхошта шоаш хьаяь

хIамаш, сурташ делар бераша. БIухошта дезаделар машарах, цхьоагIонах дола

къонача начIал дараша даьха илlesh.

МагIалбике кхувш боагIарий гIулакхех йолча комиссе, аргIанара кхетаче хилар



Йовлой Ясмина

МагIалбика администраце кхувшбоагIарий гIулакхех, бокъонаш лораярах йолча комиссе аргIанара кхетаче хилар. Цунна чудоагIаш дар барI административни гIулакхага хьажар, кхувшбоагIарий а цар викалий а оагIорахьара нийсденна кхоачамбоацараш дувцаш. Цу тайпара хоам «Сердало» газетага бу шахьара мзере.

Керттера тIабахийтар, берий теркам даьша

шоай дезалашта кхетам балара йола оагIув лораш цахилара, цу юкье берий дешар а царга хьожаш хилар а долаш.

«Цхьацца болча даьшта духьала, уж административни бехктокхаме озарах бола соцам тIайцар РФ КоАП 1 д. 5.35 ст.», - йоах хоамо.

Иштта комиссе доакъашхоша техкар, цу тайпарча фусамашка кхоачамбоацараш нийсдалара бахьанаш малагIаш да, уж фу дича юкье дIадаргдар. Массадолча дешашца бувзабенна соцам бир, кхувшбоагIарий бокъонаш лораяра.

ГIалгIайчен кагирхой Комитета кулгалхочун къамаьл хилар «Кавказ ТАСС» журналистащца

Гаьгенаькъан Марина

ГIалгIай Республикан кагирхой гIулакхех йолча Комитета кулгалхочун Малсаганаькъан Адама «Кавказ ТАСС» моттигерча хоамий центра журналистащца лоархIаце къамаьл хилар, яхаш, хоам бу «Сердало» газетага кагирхой керттерча даькъ тIа болх лелабераша.

«Пятигорске длайихьа зарбан конференци хетаяь яр ГIалгIайчен кагирхой политико укх шера хьалхарча ялх бетта баьча балха, иштта дIахо де дезар белгалдаккхара. Малсаганаькъан Адама дийцар столицан доазон тIа кагирхой цхьанкхетарий ЦIа хьакхолларах, хьинар дараша тахан беча балхах, иштта гранташ телаш новкъостал дарах», - аьлар хоамо.

«Тхона лов, кагирхой дегIаахар, царна цхьацца хьаде хIама корадар. ЛоархIаце да республикан гаьнарча кхалешка бахаш бола кагирхой таханарча заман хьалашта юкьебахар. Керттерчарех да кагирхой керда центраш хьальяр, уж царна балха даькъ тIа эшаш хургья, проекташ вIашагIйохкаш, шоайла дагабоалаш йола моттигаш хургья цига», - аьлар ГIалгIай Республикан КДМ кулгалхочо.

Цо иштта хьоахадир «ТIаргам» яха Ерригроссийски кхетаче дIаяхьа кийчо еш хилар, из дIахьоргья Мужеча маьцхали бетта.

Цо иштта хьоахадир «ТIаргам» яха Ерригроссийски кхетаче дIаяхьа кийчо еш хилар, из дIахьоргья Мужеча маьцхали бетта.



Шолжера культуран цІа дакъа лоацаш да, «Росси - къамий цІа» яхача гулламе


Гаьгенаькъан Мартина

Шолжерча культуран цІагІа Іомалуш бараш дакъа лоацаш ба «Росси-къамий цІа» яхача Ерригроссийски халкъашта юкьерча гулламе, яьхаш, дийцар «Сердало» газетага культуран гІулакхашта йолча Министерствос.

«Кьонача артисташа хьажа баьхкарашта гойтар «Морозко» яха театра гойтам. Актёрий ловзарашка, декорацега гІолла бераша дІакхачийтар гулбенна-рашка гІалгІай культуран хоза оагІонаш. Ший начІал гойташ, вай мехкарча исбахъален тоабо «Мисс артистичность» яха диплом даьккхар. Цунца цьхана дика болх барах, культуран цІен кулгалхочунна Хьулахой Залинайна баркал оалаш, грамота елар кхелахоша», - аьлар хоамо.

Тхоца къамаьл даьчо яхачох, кхетаче вІашагІеллалар эрсий халкъа фаьлга, Кьилбаседа Кавказа халкъий фаьлга мехкашта юкьера фестиваль дІахьош хиларца дувзаденна!

«Оаха доаккхал ду тхоай доакъашхоех, баркал оал из хоза цІай вІашагІделларашта. «Гаьнарча мехка» яха фестиваль эшаш я начІал долча берригача мехка дахаш долча берашта, Іоаьь говзал шоайла дІаюха эцара», - аьлар культуран кхуврча кулгалхочо.



Наггахьа мара гуш доаца чІагарг-альбинос бІы беш доалл вай мехка

Коазой Мадина

МагІалбика кхалерча Заьз-гакъонгий-Юрта, ший дега ма тов моттиг хержа, бІы беш доалл лоа мо кІай чІагарг. Наха санна чІоагІа дезаш, тІайицад из кІалхарча кхыча чІагаргаша а. Дерригаш а, хоза барт тайна, цхьан бІена чу дІахийшад уж.

«Альбинизм наггахьа мара нийслуш дац оалхазарашта юкье. Тамашийна хоза Дала кхеллача цу чІагарга шийна тоам бола моттиг кораяьлга гуш да», - дийцар тхога Іалама гІулакхех йолча министерстве. ЧІагарга тІехьа тІахьожам лоаттабеш, цун вайцига Іер миштад хьажа лаьрхІа ба Іаламах дог лазараш.



Лоаме теркам тІаозаш я Мишта салоІ вай мехкахоша ахкан замалахьа?..

Іарчакханаькъан Сали

ДукхагІа бола вай мехкахой балхара цІагІа совц ахкан хана, хІана аьлча цу хана отпусках а бахе, шоай дагалатташ дола гІулакхаш кхоачашде овтт уж. ЦаІаш ХьажцІа болх, вожаш доазол арахьарча мехкашка хьажа лерхІаш ба, кхоалагІбараш унахцІено меттаоттае курорте болх. Цу лакхе аз хьоахаяьча моттигашка берригаш а бохалуш хилац, хІаьта а царна корайоагІа шоай самукьадаргдолча тайпара ха дІаяхьа моттигаш. Со вай лоамшка 1982 шера денз хиннавац. ХІанз цигара моттигаш чІоагІа эргаяьннай йоах. Цу хана цига хаьрца латта курорт, унзара наькъаш, наггахьа Іаса лувзаш воагІа кьоано, каст-каста лоамаш кьайладоахаш латта дохк, шийла уха Іуйре-сайре мара хІама дацар. ХІанз бизнесменаша а кьаьсттача бахархоша а боахамаш Іодаьхкад, арахьара тІабоагІача туристашта самукьадаргдола хІамаш кхеллад, йоах. Цул совгІа, геттара хоза меттаоттаяьча курорте могошал тоае ухараш а кІезига хилац оал.

Ахкан хана бераш кхаь бетта цІагІа долаш, салаІа догдоагІаш хул моттигера хьехархой а. Мича гІоргба уж, фу гургдадовзаргда царна? БІарчча ийс бетта дикка кІаьдвеш бола болх бича; кертага, бІаргашка, меттага, къамаргашка салаІийта деза. Цудухьа лоацча хана

баь а, шоашта тоам хургбар лех цар. Укх тІехьарча хана, дукхагІбараш лоамашка ух, цигарча хувцамашка хьажа а вай даьй вахар дагалаца а, шоашта товр де а. Укх деношка цу тайпара салаІа лаьрхІар Сурхо тІарча ийс шера дешача (ООШ) ишкола болхлоша. ЛаьрххІа машин оттаяь, шоашта баа кхача а ийца, бІарчча ди лоамашка доаккхаргдолаш, хІанзалца цадайзар довзаргдолаш, ваха хилар 10 саг.

- Фу дар лоамашка, мишта салелар оаш? - яхача хаттара жоп луш, географе хьехархочо Дударанаькъан Аюпа Лидас дукха хоза хІамаш дийцар.

- Беррига гІалгІай цига бар аргдолаш, сел дукха адам дар цига, - аьлар хьехархочо.

ДукхагІа шоаш хиннаб яхаш цар йийцараш яр ТІаргами Ёловнашкеи. Бакьда цу моттигашта тІаболхаш хилча, цар новкъа нийсьяла тарлу кхьйола лоаман шира а хоза а юрташ. Масала, цига я ЖІайрахь, Аьга-Кхала, Хамхе, Аьрзи, Эбан, Меллар, Хутенаькъан гІалаш, Лаьжг, Озиг, БаьлгІан. Кьаьстта а теркам тІаозаш ба 3171 м. лакха бола ЦІайлоам.

Хьехархоша дувцадох, цига салаІа водача сага мел эшар цу кІалха кийчдаь да: Іоха, хІама даа истолаш, гІандаш; шашлык

де безам барашта цу гІулакха эша мангалаш, иштта кхы дІахо а. Цудухьа цига кхача кийчбарца ювзаенна халонаш нийслуц.

БІарчча дийнахьа вай даьй баьхача ширача гІалашка, Ёловнашка, малхарча кашамашка хьийжа, сурташ даьха, сарахьа ялх сахьат даьлча лоамера цІабахка арабаьлар хьехархой. Царна юкье бар Лоаме хьалхаяйна а духхьашха гуш бараш а. Царна а вокхарна а цига яккхача ханах дикка салоІам хиннабар, къаман исторех, архитектурах хьокхабаларах, хозача Іалама моттигашка леларах.



Саготон а барткхетара а сахъат

Бейна турпалхой дагалаьцар мехка

ГІазданаькъан Ахьмад

Массанега гІайгІа, сагото кхо- ачаш долча дийнахъа, вай да- галоац Даьхе бахъан долаш ду- хъаллаьттараш, яхъ ца йохкаш чакхбаьннараш. Вай кьамо лайна хала ханаш, чоалханеча деной кьизал хьалхаотт вайна цу дийнахъа. Тіема аренашка лийгараш, цхьацца довнаш- та, тіемашта юкье вахар хьа- дараш дагабох. Сийлахь-бок- кхача Даьймехка тіем тіара цІабахка ираз цахиннараш бицбе бокьо яц вай, тайп- тайпарча ханашка тіагІерташ вола моастагІа юхатохаш лаьттараш вай массане дегаш- ка бовзаш, безаш хила беза. ХІара денна кхоачашдеш дола гІулакхаш юстартетта, ваха- ра деной уйла е езаш, вахаре- ра эггара лоархІамерІадараш малагІаш да ший саххетам чу кердаккха дезаш ди да из. МагІалбикерча культуран двореце, Вежарий-Юртарча культуран цІагІа дІайихъар «ГІайгІо сатем оттабаь, Ючубахар корта» яха кхета- че-исторически сайре. Цул тіехьагІа, Сийлахь- боккха- ча Даьймехка тіем тіа лийга- рашта оттадаь сийленг долча бахар уж, Даьхен эздий кьон- гаш дагалаца, цига дІайихъар митинг. Наьха маьрша вахар толхадеш цІаьхха чугІерта, дунен да хила гІерташ тіом беш хинна блеа фашист ше бенача наькьах дехкевоак- кхаш, лирача духьаленца эк- хавеш лаьтта блухой дага- лаьцар укхаз. «Дагалоатта- ма кІерам» сега дІайихъар ми- тинг. Таханара маьрша денош оттийта гІерташ, фашиста наькьаш тедаш, гитлер яхача моастагІчо говза вІашагІелла операци, «пархх», аьнна, йо- хаеш; духьаллаьттаб вай кьонгаш.

«Тіема денош мел хала хин- над массахана дІадувцаш, кхее еза вай таханара тіехье. Тіема унзарча суртах вайга дукха дийцад, котало гаргайоалаеш лаьтгача деналах бизза хин- нача вай блухоша. Из дерри- га истореца Юдижад, цІаккха дІадовргдоацаш. МагІалбикера бахархой гулбеннабар тахан из



деррига дагалаца, шоай ураот- таш латгача тіехьен из хьал- хадаккха, дагадохийта. Вайна цІаккха а дицдала йиш йоацаш дІаьхий, доккха, хала тіема исто- ри да хІара блухочун», - дийцар «Сердало» газетата МагІалбика кхален культуран Двореца кул- галхочун гІонча волча Пхьугой Альберта.

«Дагалоаттама кІерам» яха ерригача Россее болам хьал- лаьцар Алхастерча культуран цІагІарча болхлоша. Маьрша вахар бахъан долаш, лийгараш дагалаьцар цар. «Дагалоатта- ма кІерам» яха болам, берригаш вІашкаозаш, из хало вайга мас- санега кхоача цхьа хало йолга белгалдеш ба. Тахан хьалк- хувш латгача тіехьенна уж хІамаш хьалхадаха, шоай Даьхе езаш, цун сий деш уж ураот- табе эш иштта йола кхетаче- наш. БоккхагІчар зІамагІчарга дІадувцаш, лорадеш дІадахъа дезаш да вай тіема истори; кьа- ман денал долча кьонгаша цу юкье вай дІадовзийтар, турпа- лал хьокхар», - дийцар тхого Ал- хастерча культуран цІенна кул- гал деча Боканаькъан Заретха- на.

Дола-Коарча культуран цІагІа дІайихъар «ДагадоагІа, доаккхал ду оаха шух» яха исторически сайре. Кхетаче дІахьош хиннача Бохтаранаь-

къан Иманас берашта дийцар, 1941-ча шерарча ахкан хьал- харча бетта 22-ча дийнахъа моастагІа чугІортарах. Цо бел- галдир, деррига адам мерзача набарах доаллача хана, из хьал- хара еррига хало советски ан- зораша шоашта хьатІаийцалга. Тіема истореш довзаш ха дІайихъар бераша. Кьаьстта йоккха терко тіаьхийтар Мос- кве лаьтгача тіема исторена, вермахта эскара вІалла цамет- тар духьалдоаккхаш хиннача, иштта фашиста еррига уйлаш, лерхІамаш дохадеш хинна- ча Сталинградерча, Курскер- ча тіема деношта. Немций наь- кьаш тедаш, уж есаралла кхув- лаш, деррига хьадувцийташ лийннача майрача партиза- нех дийцар кьонача тіехьенна. «ДІаьха ханаш дагалоаттар» яха книжкай гойтам кийчбаь- бар библиотека болхлоша. Сий- лахь-боккхача Даьймехка тіема деноех дувцаш дола книж- каш гулдаьдар гойтаме, иштта тіема аренашка фашист цецво- аккхаш майрал, денал гойташ лаьтгача блухоех дийцар цига. «Кхувш латта кьона тіехье тіема истори довзаш, цу хІаман лерхІам бе ховргдолаш Юмае еза вай», - аьлар Дола-Коарча культуран цІенна кулгал деча Алерой Билала. Вай лаьтгашка- ра моастагІа аравоаккхаш, ше

тІаденача Іазапах из дехкевоак- кхаш, советски блухоша боккха низ Іубиллаб. Валар яхача дешо юха ца боахаш, кьиза тохаш эк- ххаваш цар фашист.

Ди хьалха Дола-Коарча куль- туран цІагІа дІайихъар «Бер- ригаш а, цІераш йоахаш, дага- лоац вай» яха, 2004-ча шерар- ча ахкан хьалхарча бетта 21- ча, 22-ча деношка моастагІаша боабаь МВД болхлой дагало- ацаш йола кхетаче. Цу бий- сан моастагІий тоабаша шоай балха декхараш кхоачашдеш лаьтта Іаьдала болхлой боа- бир. Зуламхой кулгех велар 100 совгІа дикагІа вола Іаьдала болхло. Цар лаьрхІа хинна блеа гІулакх, кхы дІахо чакх ца доалаш, дисар вай мехка- хой деналца духьальоттарах. Бохтаранаькъан Иманас бераш- та дийцар хІара гІалгІай кьа- ман цІагІа хало яхьаш енача цу бийсах, деналца духьаллаьтта- ча Іаьдала болхлоех. «Дагало- аттам ханал чІоарІагІа ба» яха гойтам бар юртарча библио- теке хьабийлла. Кхувш латта- рашта хьалхадаьккхар, ший Даьхе езаш, цун сий, яхъ лора- еш вахар мел лоархІае да, из тхьовра денз вай кьамо хьада- хьаш Іадат долга.

Юкьерча Ачалкхерча куль- туран цІагІа дІайихъар «Мас- сахана - дегашка» яха кхетаче. Мохк халчаэттача цу Іаьржача денна хетаяь яр из. Театраль- ни, вокальни кружокашка- ра доакьашхой бар цу юкье дакьа лоацаш хиннараш. Бок- кха тіом тіабенача хана хин- начох дувцаш вар цига юрта- ра кьоано Тоачанаькъан Ибра- ила Гирихан. Тіема деноех дув- цаш, гулбеннарий бларгашка хий оттадир цо. Гирихана гул- беннарашта дийцар, тіом хьай- наб яха дош хезача хана шоай юрта этгачох. Деналца, майрал- ца моастагІа вохаве ураийтта- ча юртахоох дийцар цо, гитле- ра блухой наькьаш тедаш, Кав- казера цун лар хоадае гІерташ; зІамига, воккха ва аьнна доа- цаш; вай блухошта гІо де айт-

тар уж. Боккхача тіема юкье фашист вохавеш, чакхбаьнна- рий цІераш яхъар цо, коталон ди гаргадоаладе гІерташ лаьтта вай кьаман нах цунна дика бов- зар. Уж нах вай дегашка масса- хана баха безаш ба! Цар цІераш, цар хьабена ла ма могга хала хинна тіема никъ бовзаш хила беза вай кьонабараш.

Юкьерча Ачалкхерча куль- туран цІагІа дІайихъар иштта «Массахана дагалаттаргба мех- кара маьрша вахар лорадеш лаьтта МВД болхлой» яха кхета- че. Культуран цІен болхло йолча Дзаяьганаькъан Іайнас бераш- та дийцар, блехача зуламхочо Басаев Шамалас кулгал деш, дІайихъача операци вай кьа- ман мел доккха Іазап тіадера. ЦІаккха а дицдала йиш ярех дац из хІама. Маьршача болхлош- та тіакхийдараш бекхам боа- цаш бусаргбац! Іаьдала болхлой гІирс тіабийха, наькьашкара ма- шинаш сецаеш, МВД болхло мел вола саг вувш лаьттар уж блеа нах. Наьсарерча РОВД, МВД, по- гранотрядаш йолча чуьтташ, ГИБДД посташ йохаеш, доккха зулам доаржадир цу блехача ада- маша. Республикерча МВД мот- тигера герз юхадетташ, гІишлон чурча герза тіакхача гІийрта зу- ламхой хьачу ца буташ, царна духьала низ оттабаь лаьттар 18 милиционер, иштта духьале ло- аттайр погранотряда доакьаш- хоша. СИЗО чубаькхараш ара- баха аьттув баланзар террори- стий. Йоккха хало текхар цу бус, дукха эздий болхлой байра, бакьда зуламхошта хийттар чакхдалийтанзар цар. Таханар- ча деноша хьагойт вай дегаш- та, маьршача вахара мел бок- кха, хам баь варгвоаца мах ба. Цудухъа, иштта дола зулам кхы оттаргдоацаш бола никъ лелабе беза вай массане, Даьхен мот- тиг лораеш, зуламхой наькьаш тедаш, цар лар йоаеш даха деза вай. Тіехьа тіабоагІарашта довза деза из деррига, шоашка кхьаь- ча дикан хам бе ховш ураотта- бе беза вай уж. ЦІаккха а ма от- талда мехка хала, Іазапе денош!



Гаьгенакьан Марина

Кагирхой дено мехка бахар-хошта, хьаьшашта совгIата делар дунен кердадараш, цига яр йовзаш йоаца бокъо - хIара минот, цох пайда эцаш дIаяхьар. «Кагирхой ди - 2025: Ховш хила. Деза. Доаккхал де. Совдаккха» яха Ерригроссийски фестиваль бахьан долаш наьха таро хилар мехка культуран мах бараш, керда технологи йовза, цо хургдолчунга бода никъ боаккх.

Цу хьало хьалхадаьккхар, кхувш йоагIача тIехьенна толамаш гуш хилар лоархIаме долга, цар балаж тIа бусаргба республикан хургдолчун мухь. Цар хIанззе а хьайоах, шоаш кийча болга шоай Даьхе еза, боарам боацаш цунцара безам шоай хилар.

ГIалгIай Республикан кулгалхочо Келаматанаькьан Махьмуд-Иаьлас белгала ма дарра, кагирхой хьинаро, цар таронаша новкъостал дергда республика дегIайоалае, Россе халкъашта юкьера бувзам чIоагIбе.

Укх деношка, фестивала хIара хьаьшан дег чу, ший мехка доаккхал деш бола цIера сийг лотабелар. Шоашта бакъахьа хеташ, уж баха хилар эггара хьинар эшача моттигашка. Шоашта кхадж тессар велома-рафона доакъашхоша Магасе-ра Мужеча кхаччалца баха. Цу тайпара йоккха юкь йола моттиг дIахьош хилар, цар белгалдаьчох, шоашта тIехьа лар йита цар безам хилар дар, къаьстта цIай долча дийнахьа.

Безамца наькьа баьлар уж Эка-ЧIожа хин хьаст болчара. Экскурсе иштта дакъа лоацаш бар цу хIаман тIерабараш а. Царна бIаргайира укхазара Iалама хозаленаш. Эггара белгалдоалаш хиннар дар, шоаш кхача безача моттиге уж республикан гимн локхаш хьакхачар.

Ца хьоахадеш дита йиш яц, кхувш йоагIача тIехьенна карагIдоалар. Цо дикагIа йола уйлаш кхееш латт Даьхенцара безам совбаккхара даькъ тIа.

Е ханашца е хьалашца а



ХозагIа йола ха

Мужеча дIадихьар «Кагирхой Ди - 2025. Ховш хила. Деза. Доаккхал де. Совдаккха»

диста йиш йолаш дац халкъа бакъдар: «Iайха дIадийнар, чу а эцаргда Iа». Тахан царна карагIдоалачунга хьежача, вай хам бе беза мехка кулгалхочун, кагирхой гIулакхех йолча Комитета, кхыча доакъой, цар шоай мел йола таронаш кагирхой политика дегIайоалаяра дIалуш хиларах.

Еррига таронаш юкьейоахаш, кагирхой хьож шоай ираз лаха. Мужеча дIахьош хиннача кхетачене, таьрахьашца дегIаахара Академе вIашагIделлар хургдолчун интерактивни дакъа. Цу тайпарча хIаманца безам барий таро яр къамаьл де «Ишкола 21» болхлошца, дешара моттигера хьалаш дикагIа довза, цу даькъ тIа тахан хоамий технологей говзанчаш дегIабоарIаш ба.

«Къаьстта дукха хара тIера бола кагирхой кертгера дакъа



дIалоацаш ба мохк дегIабара даькъ тIа. Баркал оал аз кагирхой уйлаш, проекташ, боламаш кхоачашдеча дакъа лоацаш мел волчунна. Оаха тхоай оагIорахьара дIахо а дIахьоргба къонача начIал дарашта керда таронаш хьаеллара, цар шоашта ховшдар кхоачашдеча новкъостал дара бола болх, дешар, спорт, кхоллам», - аьлар ше къамаьл деш ГIалгIай Республикан кагирхой Комитета кулгалхочо Малсаганаькьан Адама.

Кагирхой Комитето, цIай вIашагIдоллаш, дика терко е лаьрхIар къаьстта шоашкара масал гойташ болча наьха. «Бовза вайбараш!» яхача гойтама экспозицена юкьедар ЛаьрххIача тIема операце доакъашхой, лорий, культуран болхлой, юкьара болх берий, бокъонаш лораерий, кхыча профессей викалий сурташ. Оаха доаккхал ду царех,

тешаш а да, ГIалгIайче тоаенна дIаоттаргхиларах.

Белгалдаккха дезаш да, бокъонца дог гIоздоаккхаш яр кулгаш гIортадарах, Iадсаькх кхоссарах, зIамигача футболах дIахьош хинна яхьаш.

Геракаш айяр маIача наха мара доагIаш деце а, юхе мел диса спорта тайпаш кхалнахага кхоачаш дар. Массаза санна из цIай хоздеш хиннар бар «Кагирхой маркет» яха кулгаговзал йолча пхьарий гойтам. 10 совгIа волча говзанчо шоаш кхелла хIамаш гойтар.

Цу дийнахьа хьаьший а цIай вIашагIделлараш а цалаш хинна дIаэттар, кхоллама коталонаш яхара кийча болаш. Тхона ловра из барт ноахалашта юкье бисар, массахана лаьрхIачунга кхоачаш уж хилар, эшача новкъостал деш, вIаший безаш хилар. Кагирхой Денца!



Эккажкѡнгий-Юрта хица нах Іалашбара болх дІахьош ба

Йовлой Ясмина

Эккажкѡнгий-Юрта болх дІахьош ба, хица нах Іалашбара хьал дикагІа хилийта гІерташ. Укх тІехьарча кхаь дий-нахьа говзанчаша хий-цар йиълагІа насос. АргІанара из хувцара болх дІабихьар 2-ча микрорайоне - укхазе ехаяр кІоаргагІа йола насос, цун оатхалашта дукха низ тІабахарах, яхаш, дийцар «Сердало» газе-тага кхален мзре.

Цхьан юкѡа хий доацаш бисабале а, из хьал сиха мет-таоттадир. Іооттайир мас-сехк йоккхагІа, тешамергІа йола насос, цун низ дІахьош дукха мухь тІабодар аьнна, юха ца соцаш, болх бе, кІоаргача моттигера хий хьалтІадаккха.

Кхален администраце, Эккажкѡнгий-Юртарча кул-галхошца цхьана, даим из гІулакх ший теркаме лоатта-ду. Насосаш хувцар - из юр-тара инженерни даькъ тІара хьалаш тоадара беш болча балха цхьа дакъа да.

Ерригача Россее яхьашка эггара толашагІа хилар Магасера Кѡонача эскара цІа

Гаьгенаькъан Мартина

Магасерча кагирхой мотти-ге болх дІахьош дола Кѡона-ча эскара цІа ерригача Россее «Кѡонача эскара толашагІа дола цІа - 2025» яхача яхьашка эггара дикагІа да аьнна бел-

галдаьккхар. Из хоам «Серда-лога» бир «Кѡона патриот» яхача ишкола зарбан болх ле-лабераша.

Цу гІулакха хетаяьча Мо-скверча кхетаче дакъа лоацаш бар Ерригача Россее берий-ка-

гирхой тІема юкѡарлен оагІон «Кѡонача эскара» моттигера штаба кулгал деш йола Бохта-ранаькъан Мадина, цун гІонч вола Муружанаькъан Мухьмад.

«Из толам вайга хинаре кѡахьегарах, вай кѡона эскар-хой шоай гІулакх дика дІахьош

хиларах кхаьчаб», - белгал-дир Бохтаранаькъан Мадина. Хьалха «Сердало» газе-тага гІолла оаха хоам баьбар; МагІалбикерча Кѡонача эскара цІено ши шу хьалха цу яхьаш-ка шоллагІа моттиг яьккхай, аьнна.

Наьсарерча полице хьалаьцар, кхалсаг Іехаяь, 215 эзар сом даьккхар

Йовлой Ясмина

Наьсарерча полице хьалаь-цар, ше юхьдхьала воа-цаш, нах Іехабеш, ахчаш до-ахаш вола саг. Цо тийшача балхах моттигера жархо-чунгара 215 эзар сом даь-ккхадар, яхаш, хоам бу «Сердало» газе-тага бокѡ-наш лораераша.

38 шу даьннача кхал-сага бувзама оагІонашка гІолла бІаргадайра фирмен-ни тІабувхабу гІирс бокхаш. Из бувзама яьлар, WhatsApp гІолла из бокхаш волчунца. Цу сага ше хьалха болх беш хинна полицейски ва аьлар, юхай-охкара из дикал лакха йола форма эца могайир. Цох тий-шача кхалсага шийна хьаен-нача чѡта тІа 215 эзар сом дІадахьийтар. ТІехьагІа гуча-даьлар, ше Іехаяьлга.

Наьсарен уголовни розы-ска, моттигера МВД болхло-ша сиха лехар из саг. Из хилар Пятигорскера 31 шу даьнна ва-хархо. Ахча цо ший гІулакха дІадахийта, доацаш дар, из хьа-лаьчача хана.

Цунна духьала уголовни гІулакх хьадийллар «зулам ле-ладарах» яхача статья. ХІанз из дІа-юха ваха йиш йоацаш, кулг яздаь цІагІа ва, дІахо а из гІулакх тохкаш да.



ГІалгІайче бовзийтар «Хьалхарчар кхайкарал» яхача мехка проекте котбаьннараш

Гаьгенаькъан Мартина

ГІалгІайче хьакхайкабир «Хьалхарчар кхайкарал» яхача Ерригроссийски про-екта моттигера даькъ тІа котбаьннараш, яхаш, дий-цар «Сердало» газе-тага був-зама даькъ тІара болх лела-беш волча говзанчас Налга-наькъан Рамзана.

«Яхьашка дІалоархІаш хин-нар дар сиха а сабаре а хилар, шоайла дагабоалаш дешар-хошта болх бе хар.

ЗІамагІа тоабанна юкѡе хьалхара моттиг яьккхар Наь-сарен №15 йолча юкѡерча иш-кола тоабо. Коталонга кхача цхьа гІа мара ца бусаьш яр Наь-сарен №4 йолча ишкола тоаба. Юкѡера ханаш ярех хьалха-

ра моттиге хилар Инаркѡера №12 йолча юкѡерча ишколе-ра бераш, хІаьта шоллагІа мот-тиг елар Шолжерча №2 йолча юкѡерча ишкола дешархош-та», - аьлар хоамо.

ЙоккхагІа йолча тоабаш-ца хьалхара, шоллагІа мотти-гаш яьхар Наьсарен №15 йолча юкѡерча ишколои Эбарг-Юр-тара №2 йолча юкѡера ишко-

лои.

«Даькъалабувц котбаь-ннараш уж Хьалхарчарех хила гІерташ хиларах. Кхы а дІаяхьа езаш я куран яхьаш, тхона дег чура лов тоабаш котъялар», - аьлар «Хьалхар-чар болам» яхача гІалгІай даь-къа кулгалхоцо Албохчанаь-къан Маринас.

14 КАЪХАТАШ

Извещение о проведении торгов в электронной форме по продаже арестованного имущества.

1. Организатор аукциона, продавец: Территориальное управление Федерального агентства по управлению государственным имуществом в Республике Ингушетия (далее — ТУ Росимущества в РИ, Организатор торгов).

2. Форма аукциона: аукцион в электронной форме, открытый по составу участников и по форме подачи предложений о цене имущества (далее — аукцион, торги).

3. Место проведения аукциона: аукцион проводится на электронной торговой площадке «Сбер А» (АО «Сбербанк - АСТ»), в сети Интернет по адресу www.utp.sberbank-ast.ru (далее — ЭТП «Сбербанк - АСТ», ЭТП).

4. Дата и время начала приема заявок на участие в торгах — 04 июля 2025 г. с 09:00 ч.

5. Дата окончания приема заявок на участие в торгах — 24 июля 2025 г. в 17:00 ч.

6. Время и место приема заявок - заявки подаются круглосуточно в период с начала приема заявок до окончания приема заявок через электронную торговую площадку «Сбербанк - АСТ» в соответствии с порядком, указанным в настоящем извещении, а также в соответствии с регламентом ЭТП «Сбербанк - АСТ».

7. Дата, время и место подведения итогов приема заявок на участие в торгах — 25 июля 2025 г. в 10:00 ч. по адресу: Республика Ингушетия, г. Назрань, ул. Победы, д. 3.

8. Дата, время и место проведения торгов (подведения итогов торгов) — 28 июля 2025 г. в 10:00 ч. на ЭТП «Сбербанк – АСТ».

9. Сведения о выставляемом на торги имуществе:
Лот №1: заложенное недвижимое имущество должника Бокова А.Р: квартира, общая площадь 66, 8 кв.м., кадастровый номер 06:06:0100004:2809. Место нахождения имущества - Республика Ингушетия, г. Магас, ул. Х-Б. Муталиева, д.1, кв.351. Начальная цена продажи - 2 908 800 (два миллиона девятьсот восемь тысяч восемьсот) руб. 00 коп. без учета НДС. Сумма задатка - 100 000 (сто тысяч) руб. Шаг аукциона – 10 000 (десять тысяч) руб.

Основание для продажи – постановление судебного пристава-исполнителя ОСП г. Магас УФССП России по Республике Ингушетия Оздоева М.М. от 23.06.2025 г. № 06023/25/35824 о передаче арестованного имущества на торги.

Лот №2: заложенное недвижимое имущество должника Галаева И.М-Я.: жилой дом, общая площадь 241,4 кв.м., кадастровый номер 06:01:0800001:2004 и земельный участок площадью 1200 кв.м, кадастровый номер 06:01:0800001:26. Место нахождения имущества - Республика Ингушетия, Малгобекский район, с. Пседах, ул. С. Пешхоева, д.48. Начальная цена продажи – 1 212 000 (один миллион двести двенадцать тысяч) руб. 00 коп. без учета НДС. Сумма задатка - 50 000 (пятьдесят тысяч) руб. Шаг аукциона – 5 000 (пять тысяч) руб.

Основание для продажи – постановление судебного пристава-исполнителя ОСП по Малгобекскому району УФССП России по Республике Ингушетия Дугаева Т.И. от 23.06.2025 г. № 06020/25/435735 о передаче арестованного имущества на торги.

Лот №3: заложенное недвижимое имущество должника Ильясова А.А.: помещение, общая площадь 84, 9 кв.м., кадастровый номер 06:04:0000003:272. Место нахождения имущества - Республика Ингушетия, Назрановский район, с. Яндаре, мкр. Новый, д.10, кв.12. Начальная цена продажи - 2 272 800 (два миллиона двести семьдесят две тысяч восемьсот) руб. 00 коп. без учета НДС. Сумма задатка - 100 000 (сто тысяч) руб. Шаг аукциона – 10 000 (десять тысяч) руб.

Основание для продажи – постановление судебного пристава-исполнителя ОСП по Назрановскому району УФССП России по Республике Ингушетия Мальсагова Ю.М. от 23.06.2025 г. № 06016/25/1059027 о передаче арестованного имущества на торги.

Лот №4: заложенное недвижимое имущество должника Каратаева Р.Р.: жилой дом, общая площадь 323,9 кв.м., кадастровый номер 06:03:0100002:632 и земельный участок площадью 600 кв.м, кадастровый номер 06:03:0100002:204. Место нахождения имущества - Республика Ингушетия, г. Карабулак, ул. Бородацко-го, д.21. Начальная цена продажи – 4 800 000 (четыре миллиона восемьсот тысяч) руб. 00 коп. без учета НДС. Сумма задатка - 200 000 (двести тысяч) руб. Шаг аукциона – 20 000 (двадцать тысяч) руб.

Основание для продажи – постановление судебного пристава-исполнителя ОСП по г. Карабулак УФССП России по Республике Ингушетия Гандалоева М.В. от 23.06.2025 г. № 06022/25/269863 о передаче арестованного имущества на торги.

Лот №5: заложенное недвижимое имущество должника Мекиевой З.Р: квартира, общая площадь 101,1 кв.м., кадастровый номер 06:01:0000003:2733. Место нахождения имущества - Республика Ингушетия, г. Малгобек, ул. Терская, д.9, кв.23. Начальная цена продажи - 2 617 600 (два миллиона шестьсот шестьдесят тысяч шестьсот) руб. 00 коп. без учета НДС. Сумма задатка - 100 000 (сто тысяч) руб. Шаг аукциона – 10 000 (десять тысяч) руб.

Основание для продажи – постановление судебного пристава-исполнителя ОСП по Малгобекскому району УФССП России по Республике Ингушетия Гандалоева Д.А. от 25.06.2025 г. № 06020/25/440151 о передаче арестованного имущества на торги.

10. Прочие условия:
Согласно п. 6 ст. 57 ФЗ от 16.07.1998 № 102-ФЗ (ред. от 02.08.2019) «Об ипотеке (залоге недвижимости)» выигравшим публичные торги признается лицо, предложившее на публичных торгах наиболее высокую цену за продаваемое имущество. Это лицо и организатор публичных торгов подписывают в день их проведения протокол о результатах публичных торгов.

Организатор торгов не располагает сведениями о зарегистрированных в жилых помещениях лицах, о задолженности должников по взносам на капитальный ремонт и иные виды коммунальных услуг (судебным приставом - исполнителем не предоставлены). Обременения имущества – залог, арест, запрещение регистрации.

Адрес официального сайта по проведению торгов в сети Интернет, на котором размещена документация об аукционе, в том числе подробная информация о порядке проведения торгов, об оформлении участия в торгах, определении лица, выигравшего торги – <https://torgi.gov.ru/new>.

С дополнительной информацией об участии в торгах, претенденты могут ознакомиться на сайте ЭТП www.utp.sberbank-ast.ru, официальном сайте Российской Федерации www.torgi.gov.ru, на сайте Территориального управления <https://tu06.rosim.gov.ru>. В соответствии с действующим законодательством обязанность по организации осмотра арестованного имущества у Организатора торгов отсутствует.

Иаьдало хьадаьха наьха боахамцара хIамаш электронни хьисапе дохка оттадарах бола хоам

1.ТIаьрг ер, дохкархо: ГIалгIай Республике ГIолла йола паччахьалкхен доалахьен кулгал ду федеральни агенствон моттигера урхалле (дIахо –ГIР Росдоалахьен ТУ, ТIаьрг ер).

2.ТIаьрга кеп: электронни хьисапе еш я ТIаьрг, из йийлла я ший доакъашхошта а дохка оттадаьча хIамай маьхах долча дешашта а (дIахо – ТIаьрг, дохкар).

3.ТIаьрг дIахьон йола моттиг: электронни хьисапе еш я ТIаьрг «Сбер А» (АО «Сбербанк-АСТ») яхача мах беча майдан тIа, интернета чухьа укх адресах www.utp.sberbank-ast.ru (дIахо – ЭТП «Сбербанк – АСТ», ЭТП).

4.ТIаьрга юкье дакъа лаца ловраш дIаязбу ди, ха – 2025 ш. кIимарса бетта 04 ди, 09:00 сахьат даьлча.

5.ТIаьрга юкье дакъа лоацараш дIаязбар чакхдоал – 2025 ш. кIимарса бетта 24 дийнахьа, 17:00 сахьат даьлча).

6. Дакъа лоацараш дIаязбу ха а моттиг а – дIаязбала йиш я, из дIадоладаьча дийнахьа денз чакхдоалача денга кхаччалца дийнахьа а бус а, электронни почтан «Сбербанк-АСТ» яхача мах беча майданга ГIолла, укх хоамо дIадехарашка хьежжа, иштта ЭТП «Сбербанк-АСТ» белгальяьча ханага хьежжа.

7. ТIаьрга юкье дакъа лоацараш дIаязбара гIулакх чакхдалара жамIа ду ди, ха, моттиг - 2025 ш. кIимарса бетта 25 ди, 10:00 сахьат даьлча, укх адресах: ГIалгIай Республика, гI. Наьсаре, Победан урам, 3 цIа.

8. ТIаьрг хургIола ди, ха, моттиг (ТIаьрга жамIа дар) – 2025 ш. кIимарса бетта 28 ди, 10:00 сахьат даьлча, ЭТП «Сбербанк-АСТ».

9.ТIаьрге йохка оттаяьча хIамаех бола хоам:
№1 йола лот: декхар доаллача Боканаькъан А.Р. боахам: квартира, юкъара йоккхал 66,8 кв. м., кадастрови номер 06:06:0100004:2809. Боахам бола моттиг – ГIалгIай Республика, гI. Магас, МутаIаланаькъан Хь-Б. урам, 1 цIа, 351 кв. Юххьанцара йохкара мах – 2 908 800 (ши миллион ийс бIаь бархI эзар бархI бIаь) сом,

00 кеп., НДС доаккхар доацаш. Ланна лу ахча – 100 000 (бIаь эзар) сом. ТIаьрга гIа: 10 000 (итт эзар) сом.

Дохка бокъо луш дола каьхат – ГIалгIай Республике ГIолла йолча Россе УФССП Магас шахъара ОСП Оздой М.М. 23.06.2025 шера №06023/25/35824 йола лаьца боахам тIаьрге дIалу суда пирстопа кхоачашдечун соцам.

№2 йола лот: декхар доаллача Галайнаькъан И. М-Я. боахам: нах баха цIа, юкъара доккхал 241, 4 кв. м., кадастрови номер 06:01:0800001:2004; лаьттан дакъа 1200 кв. м., кадастрови номер 06:01:0800001:26. Боахам бола моттиг – ГIалгIай Республика, МагIалбика кхале, Дола-Коа, С. Пешхоева урам, 48 цIа.

Юххьанцара дохкара мах – 1 212 000 (цхьа миллион ши бIаь шийтта эзар) сом, 00 кеп., НДС доаккхар доацаш. Ланна лу ахча – 50 000 (шовзткъа итт эзар) сом. ТIаьрга гIа: 5 000 (пхи эзар) сом.

Дохка бокъо луш дола каьхат – ГIалгIай Республике ГIолла йолча Россе УФССП МагIалбика кхален ОСП Дугаев Т.И.. 23.06.2025 ш. №06020/25/435735 йола лаьца боахам тIаьрге дIалу суда пирстопа кхоачашдечун соцам.

№3 йола лот: декхар доаллача Ильясанаькъан А. А. боахам: ГIишло, юкъара йоккхал 84, 9 кв. м., кадастрови номер 06:01:0800001:2004; лаьттан дакъа 1200 кв. м., кадастрови номер 06:04:0000003:272. Боахам бола моттиг – Наьсарен кхале, Яндаре, мкр. Кердаяр, 10 цIа, кв. 12.

Юххьанцара йохкара мах – 2 272 800 (ши миллион ши бIаь кховзткъа шийтта эзар бархI бIаь) сом, 00 кеп., НДС доаккхар доацаш. Ланна лу ахча – 100 000 (бIаь эзар) сом. ТIаьрга гIа: 10 000 (итт эзар) сом.

Дохка бокъо луш дола каьхат – ГIалгIай Республике ГIолла йолча Россе УФССП Наьсарен кхален ОСП Малсаганаькъан Ю. М. 23.06.2025 ш. №06016/25/1059027 йола лаьца боахам тIаьрге дIалу суда пирстопа кхоачашдечун соцам.

№4 йола лот: декхар доаллача Картаев Р.Р. боахам: нах баха цIа, юкъара доккхал 323, 9 кв. м., кадастрови номер 06:01:0800001:2004; лаьттан дакъа 1200 кв. м., кадастрови номер 06:03:0100002:204. Боахам бола моттиг – ГIалгIай Республика, Идарха-ГIала, Бородацке урам, 21 цIа.

Юххьанцара дохкара мах – 4 800 000 (ийт миллион бархI бIаь эзар) сом, 00 кеп., НДС доаккхар доацаш. Ланна лу ахча – 200 000 (ши бIаь эзар) сом. ТIаьрга гIа: 20 000 (ткъо эзар) сом.

Дохка бокъо луш дола каьхат – ГIалгIай Республике ГIолла йолча Россе УФССП Илдарха-ГIалан ОСП ГIоандалой М.В. 23.06.2025 ш. №06022/25/269863 йола лаьца боахам тIаьрге дIалу суда пирстопа кхоачашдечун соцам.

№5 йола лот: декхар доаллача Маькенаькъан З.Р. боахам: квартира, юкъара йоккхал 101,1 кв. м., кадастрови номер 06:01:0000003:2733. Боахам бола моттиг – ГIалгIай Республика, гI. МагIалбик, Терски урам, 9 цIа, 23 кв. Юххьанцара йохкара мах – 2 617 600 (ши миллион ялх бIаь вурийтта эзар ялх бIаь) сом, 00 кеп., НДС доаккхар доацаш. Ланна лу ахча – 100 000 (бIаь эзар) сом. ТIаьрга гIа: 10 000 (итт эзар) сом.

Дохка бокъо луш дола каьхат – ГIалгIай Республике ГIолла йолча Россе УФССП МагIалбика кхален ОСП ГIоандалой Д. А. 25.06.2025 шера №06020/25/440151 йола лаьца боахам тIаьрге дIалу суда пирстопа кхоачашдечун соцам.

10. Кхьыдола декхараш:
«Ипотека хьакъехьа (боахам ланна битар)» яхача 16. 07. 1998 №102-ФЗ 57 ст. 6 п. яхачох, котваьннарг лоархI дохкача хIамах эггара дукхагIа мах бала кийчавар. Цу сага а ТIаьрг кийчъьяраша а цу дийннахье а бухсоцлаь хьахинначунца дувзаденнача каьхата кIалха кулгаш язду.

ТIаьрг дIахьошвар цIагIа бах аьнна дIаязбаьча нахах бола хоам, декхар доаллачун цIа тоадарах тIадиса ахча дий, кхьыдола коммунални декхараш до-взаш хилац (суда пирстопа кхоачашдечо царех хоам баьбац). Боахама тIадожаде йиш я – ланна бахар, лацар, дIаязбар дехкаш хилар.

Интернете ГIолла ТIаьрг яра эша каьхаташ, ТIаьрг ярах бола белгIалара хоам, дIаязвалара мишта хила деза ТIаьрге, котваьнна саг харжар мишта хул яздаь да лаьрххIача сайта адресах – <https://torgi.gov.ru/new>.

ТIаьрге дакъа лацарах дола кхьыдола хоамаш дакъа лаца ловрашта довза йиш я ЭТП сайта тIара www.utp.sberbank-ast.ru, Российски Федераце лаьрххIача сайта тIара www.torgi.gov.ru, Моттигерча урхаллен сайта тIара <https://tu06.rosim.gov.ru>. Законо дIадехачунга хьежжа, лаьцача боахамга хьажара бокъо йолаш вац ТIаьрг еш вар.



Йоккхача Ачалкхерча Пушкина урам тIара хин турбаш хувцаш боахк

Йовлой Ясмина

Йоккхача Ачалкхерча Пушкина цIи лелае-ча урам тIара хин турбаш телха, хувца еза-ча хьале кхаьча дукха ха яр. 700 метрага кхоачаш доазув да керда хий чудуллаш латтар. Из хоам «Сердалога» бир мэре.

Болх дIахьор ГУП «ЦаI вола оператор» яха хин гIулакхех бола оагIув ба. Проект чакхьялча, боагIача боараме хий хьадоагIаш хургба бахархой. Цу урам тIарча наха доккха совгIат да из.

Къахъегама ярмарке дакъа лаьцар республикан психиатрех, наркологах йолча кердача моттиго

Коазой Мадина

ДIадахача кIира мехка дIайихьача «Россе болх. Аьттон ха» яхача балха моттигаш Iалашъеца ярмарке дакъа лоацаш хилар республикере, укх бетта 12-ча дийнахьа хьайийлла

психиатрехи наркологехи йола моттиг.

Вайна ма харра, ярмарке болх лохаш барий аьттув ба болх бе моттигаш луш барашца вIаший юхьдухьала къамаьл де. Дашха безам болча моллагIа хаттара

жоп корадергда царна цига.

«Психиатрехи наркологехи йолча моттиго къахъега шортта балхаш лу бахархошта - лораш-психиатраш, психиатраш-наркологах, лорий йижарий, иштта кхыбола болхлой эш цига тахан. Эшаш мел болча кхоачам-

ца тоаяь йолча цу моттиге, боагIача боараме шоай болх дIабахьа аьттув хиларал совгIа, шоай балха тIа лакхбала а вIаштIехьадаргда цар», - дийцар «Сердало» газетага унахцIенон гIулакхех йолча министерстве.

Цу лазарах дувцар лоархIаме да

Вирусо сага вахар хувцарах, цунца дувзаденнача кхерамечарех

Йовлой Ясмина

Дукха хIамаш дут вай тахан, вIалла хье ца деш. ВИЧ, СПИД царех да. ХIанад из иштта? Лораша хьадувцача вай теркал цадерашта тIехьа, дукхача адамий вахар, кхерам, иштта кхыдараш латтилга хила мег из... ХIаьта ВИЧ духьал диагноз хинна Iац, тIехьарча итташ шерашка даггара гIордаьнна хьувза дош да из, вай теркам бе безаш.

Республикерча Юкьарлен палатас мехкарча тайп-тайпарча говзалех йолча колледже дIайихьар из дош дувцац йола кхетаче. СПИДА, кхыдолча инфекционни лазарашта духьала болх дIахьоча мехкарча моттиге керттера лор йолча Бекмарзанаькъан Луизас кагирхошка дийцар, из лазар лорашта эггара хьалха 1980-ча шерашка гучадаьннилга, цу хана цхьаннена а хацар цунна духьала фу де деза. Эггара хьалхара унахой кьона маIанах бар, ший тайпара хиннача пневмонех цамогаш хиле, дIахо кIоарглуш

хиннад хьал. Цул тIехьагIа шераш даьлча мара кхийтанзар: керда вирус долга даьржар, цо сага дегIа низ (иммунитет) дIабоаккхилга, ВИЧ аьнна цIи тиллар цох. СПИД - цхьа къаьста лазар дац, ВИЧ инфекцех хьахулаш дола хала, во хьал да. Лазарашта духьалаьотта дегIа кхы низ бац, цудухьа моллагIа лазар атта хьакхет, дегI мелденнад, ший доалара даьннад.

Тухан лорашка ладийгIаца, дерригача дунен тIа миллионанаш нах бах ВИЧ долаш, лазар лаьгIлуш дац. Россе цу оагIонцара хьал мухь техха велххал латт, лорашта ховш хиларал совгIа, цаховш а геттара дукха адам да из лаьца, шозза дукхагIа хила мег могаш боацараш. Вай мехка таханарча дийнахьа цох могаш боацаш дIаязбаьраш 1616 саг ва. Из ВОЗ дIаяздаьчох да, хIаьта ВИЧ дий хьажа ций дIадала ца тугараш, къайлагIа могаш боацараш ба. Вай кхетаде деза, из вирус чIоагIа да! Шераш доахаш лела йиш я саг, ше цамогаш вий ца ховш. Цхьайолча хана шелал кхийтача санна

хьал хул - хорш йоагIаш, къамаргаш лазаш, дегIа тIа кIаьдаш тIадувлаш. ХIаьта вирус лаьгIа ший болх дIахьош хул тIа, сага дегIа низ бохабу, дарба ца дича хьатIадоал СПИД; тIаккха, цхьа башха йоаца шелал кхийтача а валар кхерам ба саг.

«ЧIоагIа хала болх ба из. ХIетта маьре яха кьона йийгаш ух со йолча, маца тоалургьа со, яхаш. Ла ма могга хала хIама да из! Лорий дIаала дезаш хул, дог делхаш, «цIаккха» а аьнна», - дийцар Кьурейша Луизас. Таханарча дийнахьа из вирус дIадоаккхалуц вайна, бакьда массахана тIахьожам лоаттабе, гаьна ца далийта йиш я. ЛаьрхIа дарба дIахьош, болх беш, бераш кхедеш, паргIатта дуненца дог ловзаш баха йиш я ВИЧ дарий, доагIаш дола дарба дIахьош хуле. Керттердар - ший хьал довзар, дарба ханнахьа доладар.

«Эггара дезагIа дола хIама да Дала хьаденна вахар! Саг ше ва ше лораве везар, шийна доал де дезар», - тIатехар колледжа кулгал деча Келиганаькъан Марета. Студенташа, хIара дешага



ладувгIаш, из деррига ма дарра кхетаде хьожаш, ха дIайихьар; дукха бар, ций дIачуденна шоай дегIа хьал миштад хьажаловш хиннараш. Кагирхой иштта кхетам хиларо чIоагIа гIадвуг. Мишта лоравала веза яхача хаттара жоп луш, саг ший никь цIена лелабеш хила везилга белгалдир керттерча лора.

Ший хIама лорадеш, дегIа доал деш, бIехача хIаман юстара волаш хила веза саг! Эггара лоархIамедар - вахара никь цIена лелабар да! Уж дешаш дахалда хIара сага дег чу, кхе-

там чу! Цхьаккха молхашкара хургдоаца дикагIа дола дарба да из. Эггара лаагIдар могаш воаца саг из лечкьадеш лелар да. ДукхагIа мел хов, тешамерIа хургда вай хьал, майрагIа хургда вай. ХIаравар чакхвала веза ВИЧ гучадоаккхача лорех, хIаране уйла е еза цу хIаман боагIача боараме; хьайна ховр, гаргарча сагага, лоалахочунга дIаала. ВИЧ- хIама хадаш дац, хьай дегIаца чIоагIа фийла хила веза керда никь ба из. Уйла е боккьал хьай вахара, хьайна гонахьарча наьха!

сердало

Учредитель:
Государственное
автономное учреждение
«Издательский дом
«Сердало»

«ГОРЯЧАЯ ЛИНИЯ» ПРАВИТЕЛЬСТВА РИ ПО ПРОТИВОДЕЙСТВИЮ КОРРУПЦИИ +7 (8734) 55-11-57, ЕДИНЬИ ТЕЛЕФОН СЛУЖБЫ СПАСЕНИЯ 112

Главный
редактор:
Курскиева Х.А.


Адрес редакции и издателя:
Республика Ингушетия,
386101, г. Назрань,
Тер. Центральный округ
пр. И.Базоркина, 60.
Тел.: 8 (8734) 77-11-84
Бухгалтерия: 8 (8734) 77-10-85.

Газета зарегистрирована
Управлением Роскомнадзора
по Республике Ингушетия.
Рег. номер ПИ № ТУ 06-00033
от 16 декабря 2024 г.
E-mail: serdalo@yandex.ru
Сайт газеты: serdalo.ru.

Набор и верстка произведены
в компьютерном центре
ГАУ «Издательский дом «Сердало».
Время подписания номера
по графику в печать:
2 июля 2025 г.
Фактически 17:20.

Точка зрения авторов может не
совпадать с позицией редакции.
При перепечатке
ссылка на газету обязательна.
Письма, рукописи, фотографии,
рисунки не рецензируются и не
возвращаются.
Свободная цена

Газета отпечатана в издательстве
«Южный регион»,
с готовых диапозитивов
Адрес: 357600, Ставропольский край,
г. Ессентуки, ул. Никольская, 5.
Заказ № _____ Тираж: 2000 экз.



«Реал Шолжен» футболисташа юха а котало яккхар

Гаьгенаькъан Мартина

«Реал Шолжен» футболисташа «Amateur League» нохчий Лиге котало яккхар. Из хоам «Сердалога» бир футболла федерацие. «ШоллагIа толам боаккхаш йола яхь «Шатой» яхача тоабача хилар. Шинна оагIон футболисташ шо-шоаш котбала гIерташ, кадай хьайзар ловзара юкье.

«Реал Шолже» яхача тоабан юкьера бургацаш чутехараш бар Хьаьшанаькъан ИбрахIим, Батиганаькъан Темарлан, Зурабанаькъан Джамалейла, белгалваьлар ловзаре Сейнарой Мухьмад а. Вай спортсменаш котбалаш, 4:1 чот йолаш, сецар ловзар», - йоах тхога бенача хоамо.

«Реал Шолже» хIанз турнира таблица тIа ворхлагIча мугIар тIа эттай. ДIахо из ловзаргья «Шаами» яхача тоабанца.

Россе хьалхале къайсача яхьашка, пхи майдилг яккхар Долакха-Юртарча кикбоксёраша

Гаьгенаькъан Мартина

Нальчике дIайихьача Россе яхьашка, пхи майдилг йоакхаш, белгалбаьлар вай кикбоксёраш. Из хоам «Сердалога» бир Долакха-Юртарча ишколера.

Сийлахь-боккхача Даймехка тIема Котало яккха 80 шу дизара хетаьча яхье, шоай говзал гойта аьттув хилар мехка тайп-тайпарча мингашкара тIабаьхкача студентий, дешархой. Программан юкье яр «фулл-контакт», «лоу-кик», «лайт-контакт», «поинтфайтинг».

Вай мехкахошта юкье чемпионаш ба аьнна белгалбир Аькхенаькъан Адам, Балхай Ислам, борза майдилгаш яхьар Iалихананаькъан Ильяса, Баркинхой Иризхана, Оздой Iаддал Малика. Беррига латархой берий - ондаргий спорта ишколе Элмарзанаькъан Саида, Арсанаькъан Зелимхана Iомабеш ба.



ГIалгIайчера Цокъанаькъан Iаьла дакъа лоацаш хилар Туркий халкъашта юкьерча яхье

Гаьгенаькъан Мартина

ГIалгIайчен ший лоIамеча кIалкхетаргах латарах вола спортсмен Цокъанаькъан Iаьла дика дакъа лоацаш чакхваьлар Халкъашта юкьерча «YASAR DOGU-

2025» латарах йолча, Турце дIахьош хиннача яхьех, яхаш, хоам бу «Сердало» газетага спортсмена лаьрххIа болча викалаша.

«Вай начIал дола мехкахо толамца гойташ вар

Пуозлой мехка тоаба, 86 кг дозал долаш. Латар йисте-доалаш Iаьлас эшавир Азе шозза чемпион, дунен шозза чемпион Даулетбеков Азамат, цу латаре геттара лакха боарам бола говзал гойташ», - йоах хоамо.



Йовлой Мухьмада аргIанара котало яккхар

Гаьгенаькъан Мартина

ГIалгIайчен латархоцо Йовлой Мухьмада котало яккхар «YASAR DOGU-2025» оалача Коджаэли (Турце) шахьаре дIахьош хиннача дика лоархIаш

йолча яхье, яхаш, дийцар «Сердало» газетага спортсмена лаьрххIа болча викалаша.

«Духьальотталуш, низ, лоIам, техника дика йолаш хиларах; Мухьмада котало

яккхар, 79 кг дозал долаш. Яхьаш дIайихьар Инде, Турце, Казахстан, Таджикистана, Беларуссе, Болгаре, Узбекистана, Пуозлой мехкарча спортсменашта юкье», - дувц хоамо.



ОБЪЯВЛЕНИЕ

В соответствии с Законом Российской Федерации от 26 июня 1992 года № 3132-1 «О статусе судей в Российской Федерации» Квалификационная коллегия судей Республики Ингушетия объявляет об открытии одной вакантной должности судьи Назрановского районного суда Республики Ингушетия.

Заявления и документы, перечисленные в пункте 6 статьи 5 вышеуказанного закона Квалификационной коллегией судей Республики Ингушетия принимаются с «3» июля 2025 г. до 18:00 ч. «23» июля 2025 г.

Обращаться по адресу: г. Магас, ул. К. Кулиева, д. 6, Управление Судебного департамента в Республике Ингушетия к секретарю Квалификационной коллегии судей Республики Ингушетия.

Народное Собрание Республики Ингушетия объявляет о приеме документов на назначение представителя общественности в Квалификационную коллегию судей Республики Ингушетия.

Кандидатуры для назначения представителя общественности могут быть предложены Главой Республики Ингушетия, депутатами Народного Собрания Республики Ингушетия, общественными объединениями, действующими на территории Республики Ингушетия в соответствии с Федеральным законом «Об общественных объединениях», высшими учебными и научными заведениями, имеющими государственную аккредитацию по юридической образовательной программе.

Для рассмотрения кандидатур для назначения представителя общественности в Народное Собрание Республики Ингушетия представляются:

1) представление (при выдвижении Главой Республики Ингушетия и депутатами Народного Собрания Республики Ингушетия);

2) протокол собрания и решение (иной документ, предусмотренный регламентом общественного объединения при выдвижении кандидата общественными объединениями, действующими на территории Республики Ингушетия в соответствии с Федеральным законом «Об общественных объединениях», высшими учебными и научными заведениями, имеющими государственную аккредитацию по юридической образовательной программе);

3) письменное заявление кандидата о согласии на назначение и последующее участие в работе квалификационной коллегии судей Республики Ингушетия, в котором указываются фамилия, имя, отчество, дата рождения, образование, основное место работы или службы (в случае отсутствия основного места работы или службы - род занятий), занимаемая должность, адрес места жительства, контактный телефон;

4) копия паспорта гражданина Российской Федерации;

5) копия диплома о высшем юридическом образовании;

6) копия трудовой книжки;

7) характеристика с места работы (в случае отсутствия основного места работы или службы - характеристика с места жительства);

8) медицинская справка из психоневрологического диспансера;

9) медицинская справка из наркологического диспансера;

10) анкета, содержащая биографические сведения о кандидате;

11) автобиография.

Паспорт и диплом об образовании в подлиннике представляются кандидатом при личном собеседовании.

Прием документов для рассмотрения кандидатур для назначения представителя общественности будет проводиться с 30 июня по 30 июля 2025 года. Время приема документов: с 9 часов до 17 часов.

Адрес приема документов: 386102, г. Магас, проспект И.Зязикова, 16, Народное Собрание Республики Ингушетия, комитет по государственному строительству и законодательству